

孟縣志卷八

± 101.29
34
7-8

- 10150.139
34
7-8

孟縣志卷八

戶部主事馮敏昌撰

孟縣知縣仇汝珣之輯



金石錄

元金

金正隆元年大悲陀羅尼幢

正書 存 在縣西十五里西魏村濟濟廟內

右幢高四尺許額九字篆書其可識者大悲陀羅尼幢六字而已經文正書字亦不惡然剝泐過半循額左轉至第七面總盡處有橫格似是宗圖之類而字尤不可辨識惟下方隱有晉大金正隆元年歲次丙子一行識為金幢其第八面字更小第一行李氏高祖兄弟八人下字多缺似其半為李氏墓志

金大定十四年佛頂尊勝陀羅尼經幢

洛州習論沙

孟縣志卷八

金石中

門明辨書

正書 存 在縣西北二十五里清涼寺

右幢今為兩截下截之下又缺約將十字其存者合之尚可三尺幢額佛頂尊勝陀羅尼經幢九字亦正書按唐人所書此經有序有經有咒或但書咒其字或不甚同然大率以音為主亦不大異而此幢所書之咒其名畧與唐人同而咒則甚與唐人異故於幢額之下別有偈言八句而以加句靈驗佛頂尊勝陀羅尼經十二字起訖之是殆變本而加厲者矣不具錄惟錄經後所刻記語於左

蘇氏先代記

正書 即大定十四年經幢後半所刻

蘇氏之先本居青州巢寇之亂遷於此住祖父俊德幼

習儒業五經都觀鄉人宗仰深欲下缺約將十字十一

與祖母郭氏合葬於西南隅有三子小者曰文業儒經書尤精厥趣不幸早亡其下缺亦約十字戒不飲彘冠

除葷習父經業兼知陰陽好施方藥物崇三教知命之際受菩薩戒常讀佛下缺亦約十字氏有二子大曰彥

幼口儒業多力善射并師武學懷洛口口有口口耳順方止次日下缺約十一字之女能口絕口景氏早亡

次娶東葛万村王氏口口天口口以般若心經彌勒下缺約十一字者故於歸治家樂業亦有一子長

曰雲慶拾歲捨於慈口禪院出家父自教經十八下缺約十二字力畊有餘然稱孝弟立成之一而天於世人

孟縣志卷八 金石中 二

多嗟悼有子曰下缺約二十餘字索羶辛慎勿與我其

誠若此母至七十無疾長往足口先令口口相也既下缺約十六字感風樹之口三周之內供僧二千復遇諱

日常設大會越十七年每覽聖教下缺約十六字二篇元妙光澤天下各適時機若夫五眼六通三身四智救

災無窮下缺約二十餘字稱天上有口皇口生仲尼并有大聖口者周霄虹玉漢夢金人下缺約十三字年

自尔迄今于有餘載歷搜口聖口口德被八天口及幽顯者無過佛頂尊勝陀下缺約十一字于翠琰庶

得蒙口口覆口口趙生口足口口遇龍華受佛記銘曰

家世習儒深崇聖教與警將來躰余懷抱巖巖法幢嗚
峨山岡岡可壞幢可傷遷滅八難兮無疆

大定十四年歲次甲午二月八日男進義授尉蘇彥女

戒沙門□□□ 洛汭習論沙門明辨書 石匠馬淵

右蘇氏先代記唯識論傳戒沙門某撰者其文不具

論唯此幢現在之清涼寺東去蘇村一里此幢所云

蘇氏蓋即蘇村之所由名也至蘇村為古尹村其村

東去韓文公祖塋二里許即唐韓別駕墓誌所云葬

孟州河陽縣尹村者是又不可不并為詳論焉

金明昌六年佛頂尊勝陀羅尼經幢正書 在北三十里冶墻村

孟縣志卷八

金石中

三

右幢高三尺五寸幢額篆書經文正書幢本八面經

文但書四面餘四面書潁川郡故陳公墓表銘其文

見後此幢本在冶墻村路衢今移入村內朝真觀云

潁川郡故陳公墓表銘

即上明昌六年經幢後半所刻

夫陳公之祖本孟之河陽縣北冶村居之久矣自祖迄

先人皆忘其諱其先父六公艱哉孤立世以農桑為務

竹木蒨茂疏果園植易竭力耕耘女化治絲枲負澗水

之曲景臨淇阿而原長如斯勝地亦可嘉之公諱漸昆

仲二人弟曰校尉是也惟公為里人日為人脩長謙沖

忠厚人以禮加雖貧賤辭讓愈於自下人或忤已雖蒙

賞猶以氣出其上慷慨側儻處世任俠嘗為三冶長鎮

靜不擾界無竊盜衆所推美處丞平之世豐奉養之資
年逾所欲享於樂國公之妻李氏生子昆仲三人一女
長男諱道妻裴氏再娶秦氏俱亡生孫二子二女長曰
靖妻張氏亡再娶楊氏生曾孫女三人長曰望兒次曰
迎兒小曰三兒次孫男八哥妻商氏生曾孫二子長曰
駟駟次曰福兒長孫女曰大女適□宗趙□次曰三兒
適黎林李忠公次男□序今□正是也妻薛氏生孫二
子一女長曰六哥妻王氏生曾孫二男二女長曰小一
次曰念三曾孫女長曰張姑適林泉郭□九次曰姑姑
次孫男七哥妻□氏生曾孫二男二女長曰念二次曰
五住曾孫女長曰不惜次曰骨鬆孫女曰白姑適渠里

孟縣志卷八

金石中

四

村李一公又次男□安楊氏亡再娶畢氏生孫一子生
女孫男九哥妻郭氏生曾孫二子一女男魏駟女宜姑
長孫女曰二女適南堡吳□次曰大姑已許親本村姚
□又次曰小姑年幼公女曰小姑適本村馬鎬公之弟
故進義校尉二公諱□□子生四女長曰□姑
適□□□次曰居姑適李村□□次曰師姑適大
衛崔□小曰八十姑適林泉李□□□□□□□□
南郊歛福錫民寵兆姓之齒□達尊之民□□年七十
□十□□□□□□□□□□□□□□□□□□□
□之異數也非惟推其壽考之異抑亦□其□□□孫

之□裕也□何□疾於□二十六年□□□□□
之故私第享年八十有六朝庭莫如爵爵莫貴於朝庭
矣鄉黨莫如齒齒莫尊於鄉黨矣以今尊之爵□古尊
之齒今□石爲記上以忠於君□其褒賜之榮□以孝
於□□□□□□□□□□□□□□□□□□□□□
姑□以□事置于墓側以傳于不朽耳銘曰

重
孝子□□□蹤□□□欲寵祿旌封光流綿永子孫重
重
葬祖宗塋植茂植泉秀高峯□□而□已表心□□有

嘗大金明昌六年歲次己卯正月□□日□□□□□□

孟縣志卷八 金石中 五

□□□丹 石匠張□刊 孤哀子陳□□□

按此爲金章宗明昌六年經幢并墓表與後承安四
年衛紹王允濟大安四年二幢表相去不過十餘年
在南宋爲寧宗慶元嘉定之間史稱章宗之治宇內
小康乃正禮樂修刑法定官制典章文物粲然成一
代治規蓋其時南北之民亦各稍安其生而孟民尤
在金之內地觀此三幢所言大率皆服田力穡生子
抱孫養老送終民所知者不過農桑之事蓋猶有老
氏所謂鄰國相望雞狗之聲相聞其民至於老死不
相往來之意焉三幢文雖不工然頗道其實卽以作
桃花源記觀可也

金承安四年佛頂尊勝陀羅尼經幢正書存在縣西北十二里西小

村裏

右幢高可四尺許幢額與經文皆正書幢本八面經文但書三面餘五面書太原王氏墓記其文見後

太原王氏墓記 鄉貢進士孟州學正雷文儒撰 學

正門人鄉貢進士劉淮書丹并題額即上承安四年經幢後半所刻

王氏之先本青州人也世有隱德以農為業當唐末年

巢寇作□互相侵擾不能安土因以避地徙家西來至

孟河之陽西北隅小仇村卜以居焉後為河陽民自高

祖而上遠而莫可紀高祖二子長曰□翁次曰孫曾祖

五翁諱整嘗娶車村牛氏生子六人其第六子乃本家

孟縣志卷八

金石中

六

之祖父也祖諱□其為人也敦而信謹而約力闢土地

躬耕稼穡雖水旱不息雖寒暑不避田□廣蓄積備先

具也昔公之生其父嘗語人曰此子他日當大吾後公

娶本州段氏為妻溫純孝義克勤婦道生子三人長曰

鎮生而不□以財發身□而能容仁而有勇雖臨事之

難必仗以義凡與人而交必結以信斯可謂純德君子

人歟次日□□風度堂堂如也當農隙之際喜談論之

德漁獵經史尊賢□□真亦異人耳鎮嘗娶北魏村席

氏為妻生子四人女二人長曰輝幼而克家動靜有節

□□□□□耕稼不收□□□治民嚴敬□官府相

似人多畏而服之故孔子□惟孝友於兄弟施於有政

是亦爲政奚其爲爲政此之謂也□初娶大仇村尹氏生子一人又娶州西章村范氏生三子三女次曰□娶唐村武氏生五子四女次曰炳妻南遂村喬氏生二子三女又次曰耀妻□□張氏生三子一女次娶程家女程氏一女珪娶本州□投尉女爲妻生二子六女長曰最妻白家莊焦氏生四子六女次曰名豆妻東鄉西常村張氏生三子二女又次曰名昌妻懷州河內縣王村楊氏生二子□□□子孫□□自來矣大率能循祖訓克紹家風莫不以儉爲德以勤爲功至於歲或不登嘗發□□□□給□□□之多□□□矣故得□□□□河陽之大姓一日王氏昆

孟縣志卷八

金石中

七

仲扣門以請謂予曰吾家之先積行累功□□陰陽以□□□□□□□□所紀何以□□□□□□□□之□□諸□□幾傳之不朽僕謂曰君之父祖自愧玉而下□相接□□□未得其詳不能□□其□□□有生□□□□□聚□□□往來□□□□其□僕以其再四懇切辭不獲已兼喜其子孫之至孝□欲發揚祖父之令德□□默而無言不共□其□者乎於是引□□□之□□□信不誣矣鄉貢進士孟州學正雷文儒撰學正門人鄉貢進士劉淮書丹并題額

大金承安四年歲次己未二月丁卯十有三日王珪王
輝立石 石匠作頭河內范珪□□刻

右幢後王氏墓記與後李氏墓表皆一人撰其相去
之地亦不遠此幢年月後橫書宗枝顯慶之圖六字
大徑二寸下載其祖孫宗派畧云高祖小翁生二子
大曰□翁生三子為一支次曰曾祖五翁名□生六
子為一支六子者大翁二翁三翁四翁五翁小翁皆
不著其名而小翁是其本宗其下子女諸孫及諸孫
婦姓名既多且不甚可辨而其上左方題云此祖葬
於曾祖墓之正東立位右云此石立於祖父王定之
墓謹記字尚可辨姑并附錄於後云

金大安四年李氏墓表

鄉貢進士孟州學正雷文儒

撰正書 存 在縣西 北十二里東小裴村

乃祖者孟州河陽縣東小仇村人氏李□□□□
□□□□國朝緣撫定之久乃頒恩赦通行天下深
有尊敬耆老之意使□□□□及七十□□□□之
時□□□□一□已□□□□特授進義校
尉旌表其門致使鄉村上下聞之者莫不欣然□盤□
□□來相□□□□因設會酒□□□□我□家自
上世以來專於農桑不敢少廢豈意今日□國家恩命
是亦非常之遇也尚賴祖先之□□□□□□□□
為農者天下之大本也力田者當世之急務也穀乃人

之命食者民之天□□可斯須舍其耒耜哉由是翁雖
年及衰老尙切勉□□□□□□□□□□不可懈怠
以理人生在勤勤則不匱□□所守縱復有荆金趙璧
魯□隋珠積之盈室奈何飢者不能食寒者不能衣又
安□□飢寒之患故飢寒□身必欲止非僻之心未之
有也□翁至八十五歲以老壽終于家□葬於庄之東
東麓內從西第三位是也其第一位是父李□翁□□
□墳園相□西南祖□□西北隅是祖父李大翁之墓
也先嘗娶本縣劉萬家庄高氏爲妻生一女曰張姑
適温縣小吳村張氏爲婦因高氏邁疾而化再娶河南
□□縣郭□劉氏□妻生一男曰李四翁名榮及其
長立善繼於家雖朝夕之間曾無少怠至於春耕夏耨
□躬親其事不避寒暑之勞不□風雨之苦益知稼穡
之艱止欲成其家耳嘗謂諸子曰我聞孝經有云□天
之道分地之利謹身節用以養父母此庶人之孝也宜
爾子孫敬服其教不□天災流行降及我身臥病未痊
□曰我竭力耕田敬□子職忽爾染患此豈非天之命
邪遂翌日因病告殂諸兒女號泣悲哀彷徨之意如無
□□者□父嘗娶項家庄□氏爲□□子因疾而化後
再娶車村成氏爲妻生男女各二人長女曰生姑□大
仇村王庭玉之妻也次女曰馬姑乃西□□念三之妻
也長男曰李六名□爲人純□勤謹于家娶□蓮村上

官氏女爲妻俱已亡沒有男女各二人長女曰趙姑適
羅崖趙念五次女曰□姑適□□村□念二長男曰念
二名靖娶□□□□□女次男高□未娶榮次男李
□名炤娶到曾家坡張氏女爲妻生男女各二人長男
□一名坦娶大仇□□女生男楊和尚次男謝哥□□
南號張氏女未娶女□□定與西許馬氏小女賽賽定
與西小仇王氏炤因父喪之後常□悲悼傷其父□□
未老□□凡先父□□□營未濟之事皆一一積漸而
成之所且□者老母康健日親奉侍克全孝道其母成
氏尙切切教誘□婦幼女勤於桑麻女工□□□□□
□之事勝於曩日□雖知父祖□世葬禮已畢春秋祭

孟縣志卷八

金石中

十

祀以時思之中心□□爲□難忘父祖積累勤苦之功
俾全家□今安□在小子何敢當克一□□與諸□□
□□□□□親識特來扣門爲僕求文將紀其事載
于尊勝經幢之右立于□祖靈墓之前必欲傳之子孫
永爲勸誡□□感歎其事□□其李氏之爲人也
勤儉而務農謙讓而有禮□□發揚祖先之德此豈非
孝子仁人之用心也固不敢辭於是援筆而書昔大安
辛未歲四月八日□□鄉貢進士前□孟州學正雷文
儒□□□□□讚曰嗟嗟祖考世業農桑闢我田畝
積于倉箱事非可□□□刻之琬琰示其不忘孝
婦□□家門下成氏孝孫李炤曾孫李□李靖謝哥高

住元孫和尚等立石本社耆老王大伯王二伯喬大伯
王四伯王口夫 下缺

右表後有流慶崇修二圖字多不辨大約皆支派圖也

殷烈祖廟碑

郝經撰

中統元年

伏

右殷烈祖廟碑元郝文忠公經撰者原碑已佚其文
見於舊郡志茲以無石故但附其文於祠廟類下其
文後不具年月然內云歲戊午詔以懷州河陽爲今
上湯沐邑於是經在藩府得賜第懷賜田河陽河陽
吏以田籍進疆畛之中有店曰楊子楊子之東廟曰
湯王卽此廟也云云考元史世祖本紀中統元年夏
四月辛丑卽位丁未以翰林學士郝經爲國信使使

孟縣志卷八

金石中

七

宋此文所稱歲戊午者在世祖未卽位之先二年蓋
憲宗蒙哥之八年及爲此文則世祖已卽位故云今
上也世祖卽位之月文忠卽使宋被拘及歸不久遂
卒故知此碑爲中統元年未行時作也又於時蒙古
雖未號元而金則已滅故今載此於元碑之首也又
按元史本傳云郝經其先潞州人徙澤州之陵川父
思溫辟地河南之魯山金亡徙順天則文忠初非孟
人而舊志載入人物列爲鄉賢或甚疑之今按此碑
所云有賜田在河陽則亦若徙家焉者又其子采麟
別撰有殷烈祖廟碑其廟在縣西文內有予州人進
其敢以鄙陋辭云云夫文忠之子初未必生長於孟

亦不過以有賜田而遂自謂爲州人耳是則舊志列
文忠於人物鄉賢亦尙可通特不析其故遂令人不
解耳詳已見人物志本傳後跋語茲特著其概云

重修長春觀記

古燕姬元撰

正書 中統五年 存 在縣西北二十里 冶塔村 胡真觀

太行之腹孟水之陽紫壇王屋之連橫天開圖書脩竹
茂林之挺拔地顯神工民物相宜山水明秀羣真往來
之地居民富庶之方鍊士修真多在是焉河陽之北不
及三舍名鄉曰冶冶鄉之中觀曰長春古有之曰東原
□□真散人劉之至而重興之劉其姓也□則其法名
云□東原之安樂人家世官茲當真祐之季陵谷推遷
山川□□□真不死易衣而遁灰槁其跡鶉居蠶食者

孟縣志卷八

金石中

三

有年矣聞□栖雲□真人□□而往□焉側聆警款有
悟元旨乃遊王屋□□□天壇以觀風雷之變躡樂勝
槩途經是邦承元帥成公盡□□見其待撫異常詢之
居人而留止之卜築於長春之故址遂營葺焉時乙未
之秋九月□□完□□□備其堂勞績序列有□足以
旦夕□□朔望□禮祝皇圖之永固祈士庶之咸安立
心明道報本真師其在茲乎□□□誦師之勤俾
祈文以紀之將刊翠琰以示將來辭不獲已始爲之□
焉歲庚申冬十二月甲午朔古燕姬元記

大朝中統三年歲次辛酉二月□□日 女冠□□

立石

右碑高三尺廣一尺八寸額篆重修長春觀記六字
二行字方可二寸碑陰額正書栖雲真人四字字大
可三寸下橫書長春觀禮沐中朝元宮爲宗十一字
字方可一寸下列道流姓名十餘俱剝落後云俱真
人門下又有法親之號其下姓名亦不可辨而是觀
名長春者考元史釋老傳畧云邱處機登州栖霞人
自號長春子與馬譚劉王郝孫同師重陽王真人金
宋之季俱名不赴歲己卯太祖自乃蠻名至大悅每
爲太祖言欲一天下者在乎不嗜殺人問爲治之方
則對以敬天愛民爲本問長生久視之道則告以清
心寡欲爲要太祖深契其言呼爲邱神仙後賜宮名

孟縣志卷八

金石中

三

長春至丁亥歲卒年八十當南宋理宗寶慶之八年
下距元甲子二年辛酉僅三十五年故其徒散布所
在立觀多以長春爲名而此蓋其一也碑頌在冶墻
村路衢仆地因拓視并令移入村內朝真觀云

修建長春觀記

孟州□□□河陽縣教授尙企賢撰

篆額

武昌後進楊仁書丹

濟源縣苗天澤正文

正書

統五年存 在縣西
三十五里吉利村長春觀

大道之在天下不可須臾而離也然虛无莫測微妙難
名不可以聲色求不可以智慧得窈窕冥冥而隱至精
昏昏默默而藏至極萬物生成而有賴百姓日用而
不知故太上託神李氏剖左腋而生鑿開混沌發揚萬化

之機把住乾坤顛倒五行之用立口口教開眾妙門演
長生久視之詮述固帶深根之旨以無爲清淨爲道以
謙退處下爲德故曰我無爲而民自化我無欲而民自
樸則帝王公侯遵之而天下平其上如標枝下如野鹿
鑿井而飲耕田而食含哺鼓腹莫知所謝以恬憺無事
而然也逮乎季世淳朴散而澆浮生智巧出而詐僞起
以至有不忠於君者有不孝於親者有偷盜者有陰險
者或誕妄以喪真或輕躁以敗氣縱驕侈以損志習穢
慢以亂神斯皆生迷妄景死墮幽囚流浪無涯鮮能知
覺天垂愍悼降乃宗師開覺有情使知固命於慾景之
內而認真常向黜塵之中而歸實際消除六欲存氣血

以守真勦絕三尸定精神而體道微傳祕訣得奇人
迺西別終南東遊寧海得邱劉覃馬之英材太古體元
之奇士皆一時之翹楚唯劉真人住持萊川神山武觀
一日誦道經至不見可欲使心不亂乃笑曰然如是未
足爲真了故復花衢笑傲柳陌熙遊道眼觀來總成淨
境而於全真門下最爲著力者然未嘗妄接一人有周
老者穎悟不羈博學強記爲當世之大儒願立下風敬
聞妙教真人曰似君如此英華才藻恐飾外喪真當以
愍自處稽首再拜敬事斯語因目之曰愍周居是觀也
黜聰屏智匿跡韜光積有年矣至六朝朝廷特賜以清
虛真人之號以旌至德亦不常常妄接人當是時也一

見解公機緣宿契針芥相投雖師資之道禮接甚厚公
本真定人也家非白屋繼在簪纓因父仕萊州挈家東
邁公自齠鬣聞有泉石煙霞之志棄軒冕之榮其猶草
芥念茲在茲乃成泉石之膏肓爲煙霞之痼疾父母情
鍾固難輕舍以富貴誘之於前以嚴訓戒之於後其志
確然不移不與同輩爲嬉戲靜室獨坐終日無言但見
雲水閑人莫不牽衣留待父母久而知不隨力屈乃許
之年纔十五操瓢行句至邳州桃山上鷄居穀食櫛風
沐雨唯以守真爲務不遑餘事及其長也長春深器重
之賜以洞真子之號以志通爲之諱於七真之內而親
炙者三焉因著脚天境攬靈蹤懿跡誠煙霞之淵藪遽

有終焉之志當時成就處所蓋多有之爲無績樂成心
實爲愧乃於西仁和自擇一所然云古跡朝更代革荒
闕闕寂皆人之所不爲意者而經營之或有止之曰陋
如之何可居焉衆皆艷然不悅日就月將既有次第前
所鄙者幡然而喜曰今日始見此地面臨天壑背倚紫
金低其前而高其後其形也如仙人之抱子其勢也若
五龍之戲珠左有流水爲青龍青龍有入泉之意右有
長道爲白虎白虎有沿山之形前低汗而爲朱雀朱雀
有鼓翼之儀後高阜而爲元武元武有登天之象東西
兩峯突兀有日月精華之狀其左右前後自然理順不
爲牽強實天造福地而爲幽人於是建神仙修煉之鄉

立香火因緣之地開元立教難忘師祖之恩續焰流芳
須藉兒孫之力乃構正殿兩夾雲堂洞舍三門倉庫七
廊聖位莫不棟宇雄壯丹堊鮮華翠鋪仙斲金縷法冠
財不天來功不鬼役一一皆吾師道德之所致也今茲
勝事幸爾苟完使士庶拭目一觀遷善向化非小補哉
將此施地舍財用心竭力俱扶持元教潤色正真者記
其姓名寫之琬琰庶幾不泯與道常存銘曰

大樸未散混然一真清濁既判立天地人宜盜萬物五
行在身奈何輕命永劫沉淪天發地藏積精會神綿綿
密密陰陽配勻道以靜體德惟日新得入聖域宿植善
因披瀝後玉夫何患貧父不得子君不能臣慧燭內雄

孟縣志卷八

金石中

六

靜無一塵功成行著永享長春

大朝中統五年歲次甲子五月 日 宣授孟州長官

范真宣差孟州達魯花赤阿里河陽縣令師福亨河陽

縣簿尉羅信 都功德主前河陽簿尉張通功德主前

孟州稅使康泰南白坡忽察千戶娘子瑞哥孟津縣令

趙忠信妻姚妙喜孟津縣捕尉姬元 孟州道正通真

大師賜紫李志通孟州道判抱元大師賜紫任志筌尊

翁靜明子張志皓陳志清秦志徽渡口村李善英牛靈

童焦寶童黃□□河陽縣西鄉里正張森 觀主張志

寬張志德鄭志淵知觀解志通副知觀侯志仙 洞真

子解志通立石 北陽村石匠周全中京石匠達義刊

右碑並額高七尺許額篆修建長春觀記六
在吉利村與前記在冶墻者相去四十餘里而名則
相同說前記撰人姬元并見此碑末云

重立孟州三城之記 孟州學正尚企賢撰 正書 中 統五年

學存

夫區域之建肇自古初其間以州為郡以郡為軍緡今
□□□省廢置前代以來□□不同孟之□□其來遠
矣周為三輔唐號六雄後乃改河陽軍節度使為孟州
三城節度使至宋仍以三城節度置使焉及金改為防
禦使州處北河之北當天下之衝據津梁之要自匪材
雄德茂聲望□□鮮克分符舊州瀕河地勢卑濕水泉

孟縣志卷八 金石中 七

鴻鹵民居墊隘大定戊申防禦使么公移築於此公廨
私第庵觀寺廟一依舊制遷舊民而實之舍汚淖而獲
爽塏幾三十年東圖滎水西附紫金山河表裏相錯如
繡平嵩一覽極為壯觀上應列宿之張下近測圭之地
氣得天地之正物霑霜露之均東西兩京之間冠蓋相
望人物熙熙梅橙花竹比屋皆然春朝巷陌羅綺香風
秋夜樓臺管絃明月蓋禮樂衣冠用文之地民不習戰
至興定庚辰翟貅一拉掃地無餘迄今四十餘年荒墟
廢井狐兔蒿萊及壬辰天兵南渡有京師總帥范公率
諸部眾齊所帶虎符□次下金銀牌印□□本朝以為
□禮天恩優渥更賜金符治所屬之民兼領於孟□□

命復立新孟翌日登陣一眺折塞荆榛茅屋星希數家
而已晝□□於樹下夜寄宿於僧舍□□□一無所有
乃召耆老舊人圖畫街衢標注坊巷除廨宇寺觀廟址
外聽諸人修立□□之間□□□尚希營建□□□
□民不加多僉曰總帥勤於物務夙夜不怠經之營之
□□□□□□□□□□使荒殘廢邑復見儀
型豈不偉與竊念瘡夷之民所倚賴者我公之惠政耳
倘一旦功成改除他邑使吾輩大失所望□厥成□□
□□□其□矣□□□□□天開中統翌日□輝
□傾□□□至辰年欽奉聖旨宣授孟州長官□降□

孟縣志卷八

金石中

六

□□民□□是遠近聞之莫不相賀以至□門女子□
牧童□咸見謳謔而今而後得我公之久守是土免懷
借寇之憂矣□□情者今奮發而前者之猶後者□□
□於□有願□一□□□者有負耒耜而願耕於野
者有願賈於市者有願出於途者雲屯輻輳□□□
□□□無餘隙矣於公創立於前范侯重修於後□
□飾□□□□光頌詔三麾□□□以至□□朝是
新闢樞平易□津□樓先起使後人安居樂土久享康
寧之福者皆我公□承膚命開展疆場辛苦□建之力
也至中統四年二月間宣差孟州達魯花赤阿里理任
公附之民而并治之□□□□□公諱真字彥誠

登封人也賦性明敏□□諸家世出於文正之裔幼則
勤□長而分□備文武之資有經濟之量寬厚愛人不
爲苛政由是人多歸焉初下車之□日於且味未然之
前規畫制度□□□胥中□雖工師□□梓匠機巧
亦□□其所以見成跡咸服其神推治孟之政擴而充
之□□國柱石皇家□□區宇豈一孟之獨安而天
下之俱安行看□□位居台鼎□□□□□□□□
□□中統五年八月戊□日□□孟州學正尙企賢撰
前□孟□□□□□□□□知孟州神 □孟州
司侯□□□

分司揆務重立孟州碑

即重修孟州三城記碑陰所刻

孟縣志卷八

金石中

九

且如崇臺非一木之枝珍裘非一狐之腋調羹者必資
五味成布者須賴百工况三城之復立豈一人力而獨
能哉故揆務分司□□□□□□□□負土眇目
者唯務於準繩長□者願爲之蹋鋪僣僂者樂從於塗
地有昆吾之能者埏埴□□有公輸之技者運斤不停
業效稽康者□□□□□□□□鑄鑿□□第務效
能各勤其事者何也由官吏倡之以有道率之以有義
不勞夏楚人悉從化獨不見綱之與目乎舉其綱則目
無不張綱不舉則目何由而張哉獨不見領之在衣乎
挈其領則衣無不理領不挈則衣奚從而理哉夫官吏
者下民之綱領也仍倡之有道率之有義宜其從之而

不□□□□□□□成不可以慮始者常人之情耳今
始終如一罔有怨言者其道果安在哉蓋身教者從言
教者訟自我公奉命已來至於今日僂俛從事不敢告
勞夙興夜寐甚於運甓□□怠荒由是吏效官之勤民
從吏之敬上下相聯遠近相貫不啻如尾之應首譬之
使指語云君子之德風小人之德草此其謂也今將用
心竭力共立斯城者以至僚屬□佐吏目醫儒工匠者
老廝役任使記其姓名寫之琬琰貽厥將來名□□□
□□□□

宣授孟州長官范真宣差孟州達魯花赤阿里通事哀
塔刺渾權州夾谷忽魯忽都都目王璋吏目金堅孔目

孟縣志卷八

金石中

三

官魏良王道李慈李潤州吏張化郭從九劉嗣祖李倫
馬義劉□昌周榮張德許居王弼畢政馬楨王興劉榮
宣授管領江南□州德安等處新附民戶官達魯花赤
王□刺孟州總捕盜官王□□河陽縣提領王□□縣
令師福亨縣丞王秀簿尉羅信典史郭鐸錢亨温縣提
領馬合□縣丞權縣事張珪簿尉和德典史張榮祖耿
淵濟源提領□古伯縣令姬廷瑞縣丞劉鐸簿尉紇石
烈德典史張仲百亨王屋縣提領支茂縣丞權縣事李
榮典史安著王祚黃河巡檢張信暴天成前濟源縣令
趙成王屋縣令司天澤河陽縣令張□□孟州酒稅官
宋温馬甲順王行道姚玉□孟州學錄賈希說葉茂孟

州祇應官艾亦伯楊鈞梁堅鄭忙古□林榮王炳李春
總管張全汪真鄭勝高旺□應辰劉文秀金□華張忠
姜用□□王節□□楊□良佟義陳旺宋和先劉證
方原楊興懷孟路起到管立城民戶總把王用□□目
兵海完顏林□興南□朱明李茂□瑞賈□范聚楊安
賀燦頭目張林京兆路起到□□城□□□□□□
□孟州僧正居文□道正李志通道判任志筌孟州路
□官阿義里夾谷□□孟州庫官范瑋孟州渡提領
龐斌把渡官張信機□□□醫流習□□王信胡清
陳在剋擇王永吉成□□採坎材木部役史全胡題收
支木植段林宮□□監修張元苗秀廝役威猛軍指揮

孟縣志卷八

金石中

三

使楊仲杜順張□魏德王成劉恩李成李德韓木馬□
樊聚范直趙宣張榮趙温王福李用張林杜海張□任
使完顏合答李成杜安楊立□興張安李和王全馬信
郎義從牛全李聚□順□□李直成王春□□工役木
匠□□□□□□鐵匠□□□泥土匠
完顏□□□□□樽瓦匠孟成李德胡□明張□劉
成□□匠劉亨□□張□□□□□石
匠□□□□□耆老劉海□郭宇□□趙興□□
忠賈□王和張□□立張□林清成德□□□□
□□高顯□□□□□□李德春□□□□
□□喬榮□□□□邵全

右元重立孟州三城之記敘中統間孟州三城之始
重建孟州之績甚詳其碑陰記同修諸職官及執事
人等亦甚悉其間可以補舊縣志職官之闕者甚多
雖文與書稍不稱然今城遷徙崖畧尙可考知其概
者此碑之力也又范公於復立孟州其勤若此而孟
民之愛戴范公者又如此則范公亦可稱為賢長官
而其碑尤宜愛護矣至碑額所云三城者乃不過以
孟州卽古三城附近之地遂爲此相沿之詞非真重
立州城三所如古所云城有南北中者也

孟州同知德政之碑 孟州管內都教授賈希說撰

儒學張愿篆額書丹

正書 至元五年 在縣學側鄉賢祠

孟縣志卷八

金石中

三

且今之郡守乃古之諸侯也或長或次俱係牧民稱其
職則咸賴其利失其人則或被其害今李公同知孟事
□□□□及之夫恤民勤政明斷不苟非天資之
□心術之正其能如此乎公諱鑄字器之洛陽人賦性
明敏有遠畧自幼及□□□□未嘗遺少養於父母
閭里□□聞遭□□歲□□歸□□引疾□□□□深慕重
之歷試諸難靡不均齊□□爲□□□意□□□□□□
足不履者三十餘年□□□□□□之儻無一錢之
□所治 下缺三十字 四野不□不關□□□□□□以
下缺三十五字 三朝□□宣□□□□□□參議
下缺五十一字 間苟 下缺四十三字 甘霖咸霑□□□□

□□天道無私□□德布下缺三十四字濟源公亦往

□□□□曰今此之行於□□故以□□□□曲至□至下缺二十三字文來該孟州河陽縣□□□□有飛

蝗坐落□□十里皆下缺二十九字公率□□□□人捕

□□□□得□□□三□有餘下缺三十七字所□無所有

眾皆□喜□□而相謂曰下缺二十六字業□事下缺

十一字使視縣中皆大得所造仍□所下缺二十五字

輕□□解下缺十三字聚□□□歸本下缺三十字十

月□□□□□□路秋□以分□□七分本處之

外河下缺二十字三□□□□者不勝其下缺十四

字春普下缺二十二字牧民者忿之不□□□□公下

孟縣志卷八 金石中

缺十字陳下缺三十字百里未□□□於□□□□

□□□能下缺三十二字郡念之□□□□□□□□邑

□□□□公□□院下缺二十六字此事□□

□□□□宣差知□□□□其下缺四十三字春一

時□□□難□□曰□□歷下缺三十五字身非已有輸

忠□□□□□□天下缺二十九字無一□□□之

私儻爲之長其爲政不知何如耳推治孟之政擴而充

之□居公輔得盡底蘊上致君於堯舜下救民於水火

澤及四海名筆竹帛攀伊尹之轅攬傅說之轡豈龔遂

黃霸之爲匹乎遽聞省□莫不痛心攀轅臥轍俱懷

寇之心由是觀之善惡無定名昔河陽之民遭彼酷毒

不任其虐而思去之反誣民之不善者不亦誣乎蓋出
乎爾反乎爾者也爲民上者可不慎與今者追思德政
建廟立碑交老王全□榮祖等再三求文於余美德異
政悉見而知之不敢以固陋辭謹撫實云爾

大朝歲次戊辰至元五年四月越八日 提領白□招
撫□忠等立石

右元孟州同知李鑄字器之德政碑篆額八字與碑
目同舊臥道側其中段事蹟殘缺而姓名爵里猶存
因詳爲審視大約禱雨捕蝗是其中之二事蓋尙可
得其大畧今移入鄉賢祠中又此碑爲至元五年歲
次戊辰乃元世祖忽必烈之至元五年前後凡三十

孟縣志卷八

金石中

十四

一年又順帝元統三年改後至元凡六年今依各碑
中干支載入庶不淆誤耳

太上道德真經序 太極左仙公撰 南岷山道人書

正書 至元六年 存 在縣西
北二十五里禮鳳村上清觀前

太上體自然而然生乎太無之先起乎無因經歷天地
始終不可稱載終乎無終窮乎無窮極乎無極故無極
也□□道□□化爲天地而立根布氣於十方抱道德
之至純浩浩蕩蕩不可名也煥乎其有文章巍巍乎其
有成功淵乎其不可□□乎爲神明之□三光持以
朗照天地稟以得生乾坤運以吐精高而無名貴而無
位覆載無窮是教八方諸天普宏大道□□□□□□

爲國師□代不休人莫能知之匠成萬物不言我爲元
之德也故衆聖所共尊道尊德貴莫之命而常自然惟
老氏乎□□□□□□□□□□□□□□□□□□□□□□
太上太上之號因元而出在天地之先無衰老之期□
故曰太上世人謂太上當始□□□□□□□□□□□□
數之劫甚窈窈冥冥渺邈久遠矣世衰大道不行西遊
天下關令尹喜曰大道將隱乎願爲我著書於□□□□
□□□□□□□□□□□□□□□□□□□□□□□□□□□□
經焉夫五千文宣道德之源大無
不包細無不入天人之自然經也余先師有言精進研
之則聲參太極□□□□□□□□□□□□□□□□□□□□
契元人靜思
期真則衆妙感會內觀形影則神氣長存體洽道德則

孟縣志卷八

金石中

五

萬神震伏禍滅九陰福生十方安□□□□□□□□□□
□□□□□□□□□□□□□□□□□□□□□□□□□□□□
滂之不辱飾之不榮撓之不濁澄之□□□□□□□□□□
清自然
也應道而見傳告無窮常者也故知常曰明大道何爲
哉□□□□□□□□□□□□□□□□□□□□□□□□□□□□
尊妙可□□□□□□□□□□□□□□□□□□□□□□□□
極精乎粗述一篇唯有道
者寶之焉河上公者莫知其姓名也漢孝文皇帝時結
草爲庵於河之濱常讀□□□□□□□□□□□□□□□□
帝好□□□□□□□□□□□□□□□□□□□□□□□□
之言
詔命諸王公大臣州牧二千石朝直衆官皆令誦之有
所不解數旬天下莫能通者聞侍郎說河上□□□□□□
乃遣詔使齋□□□□□□□□□□□□□□□□□□□□□□
不了義問之公曰道尊德貴非可遙問
也文帝卽駕從詣之帝曰普天之下莫非王土率土之
賓□□□□□□□□□□□□□□□□□□□□□□□□□□
有四大王居其□□□□□□□□□□□□□□□□□□□□
也子雖有道猶然

民也不能自屈何乃高乎朕足使人富貴貧賤須臾河
上公卽拊掌坐躍冉冉在□□之中如雲之升去地百
□丈而止元虛良久俛而答帝曰余上不至天中不累
入下不居地何民之有陛下焉能令余富貴貧賤乎帝
乃驚知是神人□下□稽首禮謝曰朕以不德忝統先
業才不任大憂於不堪雖治世事而心敬道德直以闇
昧多所□□惟蒙道君宏愍有以教之則□夕覩太陽
之耀光河上公卽授素書太上道德經章句二卷謂帝
曰熟研此則所疑自解余注是□以來千七百餘年凡
傳三人□子四矣勿示非其人文帝跪受經畢失公所
在論者以爲文帝好太上大道世人不能盡通其義而

□□遐感仰徹太上道君遣□人特下教之使去耳恐
文帝心未純信故示神變以悟帝意欲成其道真時因
號曰河上公焉

皆大朝至元六年歲次己巳孟春正元日本觀宗主衛
異冲立石 河內縣石匠李全齋□鐫

右道德真經序碑至元六年己巳所立者其文稱太
極左仙公撰莫知其爲誰當是羽流刻此序時妄托
耳碑字濱誤作賓然字本拙滯亦不必深論也至此
序所言授經事按老氏聖紀圖河上公授漢文 道
德二經旨奧帝乃齋戒受之又唐會要開元七 年左
庶子劉子元上議今之所注老子是河上公其序云

河上公者是漢文帝時人結茅庵於河曲因以為號以所注老子授文帝因冲空上天不經之鄙言流俗之虛語漢書藝文志注老子者有三家河上所釋無聞焉請黜河上公升王弼所注司馬徽亦云漢史實無其人然所注以養神為宗以無為為體請河王二注俱行云云是則所謂序者自是此序所本而所謂河上公及道德經章句大畧亦可見矣

廣公閣黎之塔銘記

翟亨書

正書

在縣西四十里

吉利

存

林普照寺內

本貫鈞州陽翟縣迴洛村人氏一十三歲出家祖本縣大覺院僧江公為師訓到法名行廣壬辰年過河避禮

孟縣志卷八

金石中

毛

至河陽縣仁和普照院重修興福住持於壬子年本院附籍別度到小師智圓智達智德智遠智深智堅

至元十年十月望日立石

功德主權府張通同提控

副功德主副使張口同張監軍

書丹人

石匠洛京達進刊

右銘內黎礼字皆別體不論至此銘與下清真觀碑皆至元十年然後碑稱歲次癸酉已酉朔者考元史是年唯十二月有已酉朔而此為十月故在前耳

清真觀碑

天斗老人史天祐撰

南岷山寧極子書

正書 至元十年 存 在縣西四十五里清幽觀內

二儀至大者也而不出乎形器之內三耀至明者也

止燭乎範圍之內惟道寂虛恍惚幽微不可致詰起乎
無名極乎無象卓爾獨運蔚然曲成區分彙殊有識無
情相待相使皆仰隸而莫知其所賴焉伊人之受生乎
三才首出庶類惠然竅靈通乎變應乎神是以通明上
達精推熟究身履力行久則竟超凌乎無間之隙穎湊
乎影響之彛若夫徃故之庸質狎笑之侮流則繕性於
俗羣分類聚適域囿乎一隅之習斯背覺向緣與夫造
極契妙兩者何啻霄壤之懸杳胡越之邈絕乎悲夫契
道味真離倫拔萃雖百世一出猶比肩爾故我正陽純
陽唱祖規之源重陽丹陽紹宗裔之派暨乎長春□□
應明詔於萊夷稅颺輪於幽薊舉陸振頽瑤林蘭友爰

孟縣志卷八

金石中

天

居爰處四海萬方□然而□已□□□元一祖居北楊
村年當鼎盛屏妻捐業不遠千里師事□□之裔洛州
張君志□炎涼久歷勤苦脩經後雲水□□□□□
竹園溝周覽山形地勢之勝似穹而抑似逝而廻崎嶇
逶迤巍然而左附者臥虎崗也似卑而高似遠而近隆
然偃然□清流而前枕者峩嶠嶺也仰嵩峯少室於黃
流之南負盤谷太行於燕川之後望天壇於濟右指懷
郡於丹西四顧暢然有動於心遂与其友楊公志通所
創清真之觀歲在癸卯剪荆夷壘未踰數稔暈以聖殿
絢以丹金列齋厨固廩庫位真官而豎三門至於礎礎
井廡垣墉莫不條且使遊者忘歸而觀者無斃大矣哉

桃遮李映松篁茂林望之森然有預於懷濟諸觀也載
墾載拓菑而畚之間以桑棗菜畦蔬圃雖徒取賓旅之
資或皆無求於外臨夷據阜幽徑左環清泉水注雖靈
府之方瀛元澤之曲渚無以加焉繼有知觀張公所持
謙賤利物周人質其素敦其淳淘真挹粹有臻昉之延
接建業樹勳習禹稷之躬稼其美可推其居可樂十數
年間內外順睦終始一貫感一方士庶風行草靡以功
所追規足以光揚於前哲以力所垂志足以憤啟於後
學振元風於一時播清名於萬古然其爲力也豈小補
哉余嘗遂過其門視其觀察其人與吾友楊公所宣之
言知觀張公所持之節其於銘也又爰疑焉銘曰

孟縣志卷八

金石中

无

二公篤俱道挹天衢幼拋家業遠弃妻孥師事清河同
運德專心符理契義節相於罄誠竭力終始一如崇仁
蘊德功著名譽一旦萍蹤雲水丐餘河陽閭勝周覽躋
踏竹園掛鳥荆蔓剪除臨夷據阜松檜扶踈清河繼業
跡會情攄延接賓旅豐貯歲儲高低順睦內外吹噓惠
鰥卹溺援惇給虛旌銘元琰據事直書千秋萬古來者
念諸

皆大元國至元十年歲次癸酉己酉朔下元日口觀張

志通立石 洛京石匠達榮刊

清真觀碑陰

披雲天師門下重修道衆法屬孟州在城神霄宮馮慶

祥濟源縣鐵岸龍神宮王志謙楊八仙楊志通衛志通
范元一李志超張志通趙志慶許道祥□□童本村張
二李大張呂德張里正王明趙百戶耿大耿德許大
耿二留住許德魯氏北陽村董四鄭德温周守圓豐二
周妙清張三老馬安劉興曹大張大周大李姑張德重
李法秀先兒東陽村張二伯白張三周圓周順喬忠信
張五毛氏張二馬全張六絮張張二周大西陽村李恩
牛全妻范氏牛三妻衛氏牛大牛二黃社長陳二牛五
范三妻周氏東南陳揚大馮大北陳村孫成張成李玉
王五張五樊准張德王大伯張貴西耿一耿二孫二孫
立李大姚德全梁恩梁二王二周初東耿一許德張清

孟縣志卷八

金石中

三

老薛油張大張謹東柳峪王大張二

右清真觀碑至元十年立者其語意尙是道家本色
但碑字多誤如莫不脩具誤爲條且有愈於懷濟諸
觀誤作有預又奚疑焉誤爰疑其外如賤拋之類其
誤尙多至碑陰則道俗雜見姑附錄耳

元王居正等所造經幢

正書 無年月 在縣南
五里東曹坡村湯王廟

右經幢高可二尺許上半殘缺經末跋尙有可句者
云祖宗之大空懷風樹之悲父母之親徒感逝波之
歎又云七祖□靈咸登彼岸是用建立經幢命工刊
寫又其後有□子王居正哀子王居□等立石之文
蓋爲其祖父造以資冥福者也

王氏先代記卽王居正經

上缺約九字 范氏生子八人最幼祖父公藥院是也 又

缺約十五字 十人所習各異不可具紀 又缺約十七字

祖父見其骨氣甚豐偉 又缺約十四字 不幸爾奈何早

歲父母俱喪 又缺約十一字 巨帥南征收洪州諸郡沿

路診視疾苦 又缺約九字 病孜孜求治者日盈其門獨

推父醫 又缺約八字 出入公侯門下累受酬酢充一州

四縣 又缺約八字 父以醫道治生神聖工巧里人迺謂

世之和 又缺約八字 氏生子三人長曰思敬字進道亦

述父道後 又缺約十四字 爲况大率皆遵依父兄勤 又

缺約十二字 前歲告殞次曰二娘適河內崔愿 又缺約

孟縣志卷八

金石中

三

十一字 而終 母錢氏賢淑孀居守義和柔 又缺約十

一字 七十 化哀哉彼考妣之重幼歷 又缺約十一字

子孫之計 可謂君子有始而有終 又缺約十字 將何

贖 是謹擇吉且自昔曾祖創 又缺約十字 列於前皆

全葬禮遠近房族有不繼祭 又缺十一字 備嘗險阻必

欲發揚其事業不有所 又缺約十四字 郡黨耆老皆稱

道公父之 又缺約十字 子之美行抑亦昭示前人之遺

風使後 又缺約十字 所行之事乃爲銘曰

缺八字 比拯所苦皆獲其痊 缺十一字 敬壽紀遐延 缺

十一字 世有永其傳

右王氏先代記上半殘缺畧與經同通觀所存諸字

并無朝代年月茲以記中語意考之所言充一州四縣者蓋其祖充醫官如今官醫之類卽前所稱祖父公藥院者是也按孟州在唐領温河陽汜水濟源河清五縣在宋改濟源郡領河陽濟源温汜水河陰王屋六縣至金降爲孟州領河陽王屋濟源温四縣元初仍爲孟州領縣如故至元三年始省王屋入濟源州止領河陽濟源温三縣是則此幢所云一州四縣者殆金朝以後之幢然又按所云巨帥南征收洪州諸郡沿路診視疾苦者蓋其祖作醫從軍至彼而考之金史金朝雖屢南伐然始終未嘗得江西逮考元史世祖本紀載至元十二年取江西又考通鑑書德

孟縣志卷八

金石中

三

祐元年元暹池州又暹饒州按德祐元年乙亥卽至元之十二年意斯幢所云收洪州諸郡者當是其時則幢爲至元間幢無疑雖至元三年已改領三縣然所謂一州四縣者或本其初而言之耳是以附此幢於至元十年清真觀碑之後焉

創建神清庵記

羽士王道安撰

白家庄嶽雲宮道

士包志寬書

正書

至元十五年

存

夫靈真妙道鴻濛肇啟運三耀於元虛育羣靈而處世萬物之中唯人最靈可以法則地天道法自然者矣惟我重陽祖師悞徹虛通參天上之高真捐棄金章禮外之大聖三五年功逍遙乎飛騰天漢一二載行坦蕩

乎普化人寰東遊海上教七朶金蓮共幄西□□中訓
萬朶玉蓮咸芳燈燈續爛代代相襲始自長春師交屢
承帝命唯談長生之理久視之風一言相契特奉敕賜
邱神仙之號大闡全真之教誘引羣迷同宗正道真所
謂葆元堂上夢遊仙碧落天中爲教主茲紫金之顏黃
流之背左顧清流而潤右瞻仙洞而慶乃耿真人鍊真
之所與三城相去二十有里也觀其山水明秀人物廉
儉地勢爽塏土壤膏腴林木茂鬱曰名長澗最爲河陽
之甲地焉堪爲頤真之館可充置福之堂聖之中有道
院曰神清□□其本末自冠張守正同門榮宗德慧所
建也守正祖本孟州河陽縣北號村人氏爰遇真塵□

孟懸卷八

金石中

三

□伉儷決絕自壬辰間遷至平陽府汾西縣保真觀拜
禮到長老先生爲師口傳心授志在不惑從事澹泊更
衣而道寡欲志情不虧實行未嘗少變鍊出真心養成
浩氣習有年矣自戊午年丐食度歲雲遊至三城之西
踰澗間有長澗村居民奉道會首董興王鄉老泊李信
于達特請張仙姑建於長澗村依命之隨與門第輩同
心戮力修葺福地斲瓦礫而夷之芟荆杞而垣之啟壺
□綽雲房妙像慈容金碧煥然丈室虛明而貯月靜廬
幽邃以含春山色溢目煙霞供一望之奇□聲在耳松
竹貢四時之秀是以特室精思拈一炷之心香祝萬安
之聖壽光揚元化酬酢師恩固可朝於是而又將終

身由之焉知不有造極者乎今已伐蒼山得翠琰微
於予辭不獲已搜竭枯腸勉從說而直書而爲之銘皆
歲在丙子清明十有四日鎮陽忝羽王道安誌

維大元國歲次戊寅至元十五年十一月二十九日知
觀朱德慧立石本庵女冠王守正張守正甯守淨貞慧
微許守仙秦安童趙守真 高信申信刊

右神清庵記所云長瀾者尙與太和幢相應其文則
羽士王道安作於丙子歲爲至元之十三年而其後
二年始刻碑中悟徹虛通之句以悟爲悞則誠誤爾

崇建會雲觀記 鎮陽處士王道安述 正書 年月缺

里路家庄

孟縣志卷八 金石中

夫元元至道氤氳一氣通造化以成形晃朗三辰照乾

坤而育物下缺字長春真人者太清謫降暫別下缺字

右元會雲觀碑鎮陽處士王道安撰者其石直裂祇

存前三行又去其半其碑後之年月不可見然王道

安之名卽前頁載創建神清庵記內所云忝羽王道

安誌者前碑爲至元十五年立而舊志載會雲觀在

縣西路家庄爲至元十五年建其撰人旣同而建觀

之年與前碑所立之年又同故卽附於前碑之後焉

栖元真人門衆碑 正書 無年月 存 在 城南門外一里嶽雲宮內

孟路道判劉志祥大師賜紫道判高志明厚李志端

李志元 諸局提領魏志冲 前知宮重慶德等張志

惘張先生張志慶郭志演韓德掌安志和張道成趙志
和 見知宮包志寬段道坦 監觀馮志通呂志真
掌籍馬志舒韋志堅 典座趙志冲謝志段道和李志
義衛志平李志僊王道一謝喜童李寶童趙壽童石堅
童李志克 □□通真觀元都寶藏講師賀志慶
平陽路都錄賜紫賀志寂 平陽路都道錄賜紫曹志
元 修真大師都道判賜紫王志元 亢村修真觀講
師常淨大師楊志元知觀劉道澄 錄事司景行坊慶
真觀孔守慧 清真觀通元散人杜守妙呂慧光 頤
真觀淵清人邢守清劉守慧

孟縣志卷八

金石中

三

李村虛寂觀尊宿李志清知觀通真大師皇志中悟
真大師王志端元真子馬志筌 崔村真常觀頤真大
師孫志全 刷村玉虛觀李志實賀志安劉志深李志
元武志元崔志明 西宜村崇道廟郭志春李仁村頤
真梁志祐李見村清真觀任志清 五口村長生庵張
志柔張志和 女冠喬村德元觀申守信賈守明 皇
仁村翠仙庵段守希 葛堆村元會庵段守常 刷村
進溪庵邢守定 北杜村煉真觀王守超 姑射山神
居洞郝守清 喬村元會庵張守本
洪洞縣女冠梗村通真觀保元散人孟守道知觀景守
真吉守希 劉村遇仙觀李志方 南杜村清真觀喬

志通 魏村洞口觀元真子周志元孔志明 左村溝
明真庵左志方

趙城縣柴村全真觀安和子馬志良 保真大師劉志

清真子李志真郭志仙 鳳凰山翠微觀高志雲

雙頭村無極觀崇元大師口志知觀何志 道覺村靈

泉觀史志明 為牧村汾陽庵馬志真 南李村清真

觀講賀志慶 知觀孔志方崔志元 南李村長春觀

清真散人尙守德知觀王守真

翼城縣下衛庄洞觀冲和散人李守純牛守遠

洪洞縣會首提領典史宋仲益閣中鄭妙真

王屋陽臺萬壽宮宣授清潔廣濟保真大師賜口金襴

孟懸

金石中

美

提點王志安元通大師賜紫提點趙志詮崇真大師賜

紫李志完 木匠提領李志真 南嶽知廟養素子張

志素 邵原鎮朝元觀知觀張志古 土樓玉泉觀知

觀張口女冠黎園保真觀知觀葉和趙守 井澗顯真

庵主張守 留養洞真庵知觀常口 王胡口口觀知

觀張妙遠口口觀主李道

濟源水運嶽雲知觀封志道封志達 女冠許村清虛

觀知觀劉慧定清淨散人朱守寧浩然散人張守一

西葉凝真觀知觀揣守真賈守明

本州遷善坊元真庵女冠賈妙成趙歸童燕都長春宮
賜紫口塵大師王志真

河陽下孟在城重陽觀前孟州道正保真大師賜紫馬志冲崇真大師知觀謝志希掌籍王志訥知庫蘭志廣

父政長春觀知觀柴志林楊道久里封上清觀知

觀郝志榮魏益冲劉志清趙蓋清真觀主夏志元

孟將□□知觀梁善仁孟□□城清真觀知觀

宋志正□□城天□觀知觀金志全朱慶善女冠

傅村玉清觀知觀馬守本下孟在城□□觀住持陳

慧和王道元張志通降家庄先天觀知觀郝善通李

妙敬劉緒□洞虛觀知觀李妙達冶成清虛觀知觀

張守分小川通真觀知觀冲和散人田守冲真一散

人宰守政仁和凝真庵主蒲察妙真妙明張妙信梁

孟縣志卷八

金石中

三

慧美下孟在城□真庵□陳□□北陳村修真庵主

王妙進張妙安于守淵在長真庵主閻守清李守冲

上孟在城皮傷廟女冠喻守妙頤真庵主孟守寂

楊慧應樓元觀知觀王守朴杜守承宋守靜閻守信

李壽思李妙用侯妙普潘妙冲范守靜魏守敬王守政

史妙琛李守柔高妙淵翟妙實上孟州在城崇□觀

住持李志通下孟施石棺會首馬可道

温縣北于村白雲觀知觀魏志冲東寇玉靈觀知觀

張志常南真洞虛觀知觀王志清金昌承昌觀知觀

郭志淳白溝作長春觀知觀李志方女冠羅坡底

洞真庵蘇妙敏下庄紫虛觀知觀趙妙崇穎守材甄

守道 在城通道觀知觀張妙琛 南陽門洞霄觀知
觀尹妙德 白溝作保真觀知觀李妙淳 感化洞真
觀知觀王妙冲 王家庄修真庵主牛守固 州在
城清真觀知觀趙志隆 洞真觀知觀周志詮鄧志堅
清平昊天觀知觀時志冲 女冠修真觀知觀譚妙
圓 李村修真庵主尹守淨

河內李村嶽雲觀知觀張志覺 南魯圓通觀志希
栢香鎮長春觀知觀魯志全 西小趙□□觀□□散
人蘇妙清 北董栖真觀知觀楊妙善鄭守□ 趙□
雲合庵主尋守堅 韓屋修真庵知觀楊守宣 南魯
□□觀知觀□守澄陳守元蘇守昇 西烏頭修真庵
主陳妙從

孟縣志卷八

金石中

美

溫縣在城元真庵聶志真 西南王修真庵主馮守真
河南府孟□□磨峪龍祥觀察□□善號淳□□秦實
善 女冠大陽靈泉庵主劉守信孟守冲

洛陽延秋重陽觀知觀李志靜趙寶童 鐵器市元真
觀知觀王志希 女冠鐵器市真庵王妙守 李村□
雲庵主李守完

宜陽石村龍泉觀知觀□志真遇萊童蔣寶童
登封寺庄樓元庵主王守謙陳守本

偃師□□□真庵陳□□□縣石□保右灰務元真
主呂先生

汝州梁縣羅□□神德觀主張□□
輝州西關通真觀知觀焦志潤張元童 女冠郭累雲
溪庵主徐妙淳

白家庄助緣施□會首各人花□千戶王拾弟王全焦
谷勝宋純道管村米堅常聚王義焦成焦福王貴實朱
遠朱明高 李全王和王大劉梢張林李小一桑德

西韓村施院地會首王全程嶺趙三王三李准程五李
五魏五李六楊二張三王念二高六劉五 那羅累年
助索王天祐 李村曹會首□□□

右栖元真人門衆碑無年月然在嶽雲宮內而碑內
有見知宮包志寬之名卽前頁創建神清庵記內所

孟縣志卷八

金石中

五

云嶽雲宮道士包志寬書者前碑爲至元十五年戊
寅則此碑年月在其碑之前後雖未可知然亦當不
甚相遠矣故卽附於神清庵記碑之次云

汝瑠按碑無撰述但載門衆姓名似不必全錄然試
觀其所書當時道官諸職銜其官如此之多其當時
門徒分布旁及他省州邑如此之廣其間女冠平民
雜廁如此之衆蓋卽此一碑而元時道教之盛可知
矣觀是碑者亦不禁慨然於移風易俗之故焉若其
間所載諸州縣宮觀之名甚夥與後孟州知州李公
德政碑陰嶽雲宮碑陰皆足以備誌地者採擇之助
故全錄如右云

孟州重修濟瀆行宮之碑 宋奉議郎前柳州桂陽縣

令兼本州簽書判官趙昶撰 凝素大師知神霄宮賜

紫張致明篆額書丹施石 正書 至元十六年 存

在縣城西門內濟瀆廟

余聞大而能化之謂聖聖而不可知之謂神隱顯變化
陰陽不測有感皆通無遠弗届是易所謂崇效天卑法
地而知周乎萬物者也粵自太極肇判三才鼎立伏羲
畫八卦以定山川唐虞封五山以祀岱嶽五嶽既立四
瀆由興古孟之西邕曰濟源地有濟瀆之神乃清源王
之聖跡也神聰明正直忠烈無私位天壤之兩間司淵
德之廣澤功扶社稷福佑生靈上佐天時運陰陽之化
育助行大道明善惡之宏機昔大唐之世旱魃爲虐李

孟縣志卷八

金石中

碑

繼安祈禱於瀆應時感通歲獲豐稔廣澤之惠徧於四
方國朝之祀典欽崇萬姓之朝參敬禮以致士農工賈
江河舟楫商旅負販之徒莫不依賴神靈均蒙福祐也
孟之西市王之行祠實以歲月寢久廟宇崩頽風振雨
淋盡毀神靈之像星移物換殆成荆棘之場今士民念
不朽洪恩故夙夜莫違寧處市民李志安等奮身爲首
教化興修召募善緣共成勝事鳩工集匠輪奐一新既
而清虛大教嗣法許道元特捐已囊命工塑繪聖像王
之祠宇革故鼎新豈惟神聖之顯靈重啟鄉邦之瞻禮
今工緣告畢命予屬文欲勒諸石以紀歲月殆欲使後
人觀甘棠而思名伯過河洛而念禹功與我同志之人

復嗣而輯之庶神休之不朽也

昔大元國至元十六年歲次己卯四月丁丑朔上七日
化緣修造功德主李志安立石 捨塑繪聖像功德
主清虛大教法師許道元立石 石匠李志與同張順
造

右碑額篆孟州重興濟瀆行宮之碑十字凡五行按
碑爲至元十六年四月建是年爲宋末帝昺長興二
年以春二月國亡先是江南之破則在於至元十三
年正月今此碑撰人自稱宋奉議郎前柳州桂陽縣
令兼本州簽書判官趙昶當是江南破後居孟而自
具前朝職官者至所云兼本州簽書判官蓋爲桂陽

孟縣志卷八

金石中

望

縣令而兼柳州判官耳非承碑目孟州字而稱孟州
爲本州也若本州爲孟州是又仕新朝而轉不必具
前朝官職以自見矣是亦不可不爲之別白者又其
人趙姓雖不見於宋史宗室世系表然不忘故宋亦
自可見耳至文中西邕字蓋西邑之誤羽流無學誤
書而失檢者又文中清虛大教嗣法許道元者不過
尋常道流而乃與濟瀆之神暨國朝字並頂格書是
又緣書碑者爲羽士妄自推奉而不知其不可耳

元至元十七年大明禪院鐘題識

正書 存 在縣東
北十八里藥師村大

明寺
內

右鐘高二尺徑尺八寸鐘半爲方者四其第一方云

維大元國孟州河陽縣藥師村大明禪院銍鐘一顆
吉善友助緣人李善奇其第二方云僧福際庫頭福
清監寺福溫嗣祖沙門臨溪八字大明神咒唵嘛呢
鉢其第三方云訥銘銘銘至元十七年九月日置其
第四方無字按是鐘現在之大明寺在元爲大明禪
院見於此鐘而此寺內開元人宋定方所造石塔後
有天成元年院僧某記者并知後唐亦以院名矣

河陽縣尹王公重修孟州文廟三門記 孟州學正沁南

逸人寧楫謹記 奉訓大夫同知桂陽路總督府事張瑞

書丹 進義校尉孟州判官吳口篆額 正書 至元十八年
存 在縣學東廡前

道之在世未嘗有亡由其人而宏之自古聰明睿知繼

孟縣志卷八 金石中

聖

天立極道之所傳有自來矣考之於書允執厥中者堯
之所以授舜人心惟危道心惟微惟精惟一允執厥中
者舜之所以授禹敬敷五教者舜亦以命契至於成湯
文武之爲君伊尹周召之爲臣皆以此而相傳吾宣聖
雖不得其位出乎類拔乎萃學不厭教不倦與天地合
其德與日月合其明賢於往聖者遠矣蓋天生蒸民有
物有則且如人之一身一心一言一行或衣服或飲食
推而及於父子君臣夫婦長幼朋友并天地萬物莫不
有其當然之理卽所謂不偏不倚無過不及者也是以
宣聖垂訓俾先格物用知夫當然之理然後誠意
修身齊家治國平天下論有本有末有終有始雖千載

而下由天子至於士庶莫能違也故自堯舜禹湯文武
俱不得常祀而吾宜聖自京師郡邑春秋得以釋菜焉
孟之爲州其廟已備妥夫聖容前三其門猶有□□前
河陽縣尹武佐前孟州知州完顏居仁嘗欲修之奈及
氏代弗遂其願逮至元丁丑仲夏河北河南道提刑按
察司書史王公宏來尹是邑下車之後均賦役勸耕桑
撫疲羸擊豪強耻文風之不振遂乃鳩工度材無取於
民重修此門公且聽政於其側越僕御里胥暨訴事待
問之人同命助役由是人多願爲輸方□歲□□營不
日而成一日境內士人陳慶朱璉謂僕曰公之宰是方
也不旣安乎公之建是門也不旣備乎請子爲文以傳

孟縣志卷八

聖

久遠僕退而思之以公之才之美而興此功應將使邑
之諸生觀聖門誦聖書窮聖心展聖道升堂入室而不
讓淵由之盛德變河濟之內還爲洙泗之鄉矣况楫屨
鱣堂修教之任義不可辭輒研精覃思樂爲書之

至元十八年歲次辛巳九月八日 敦武按尉河陽縣

尹李瑞立石 奉訓大夫孟州知州李義 奉訓大夫

孟州達魯火赤欽察 秦亨刊

碑陰

孟州吏目趙讓 州吏王澤苗滋姬玉劉明李珪張顯王

用劉天澤馮良佐楊慶 河陽縣典史閻汝梅 縣吏陳

祥徐溫林滋韓亨李思敬裴祥程淵馬端武口梁珪劉

真李良郭通張威史祥鄭溱蕭良弼韓澄 在城務提領

劉楫穀旦務都監王珪河陽務都監劉天祐下孟跼赤所

提領于成侯林祗應官蓋玉崔仲高興庫官林榮齊榮塩

官李安侯弼唐瑾郭忠陳辛 儒生楊仁宏郭明德王舉

直朱璋 醫人張洲王濟民習可大成大用 塩局官吳

興祖同進士馬天驥監修 廟官王德木場務官宋德

右碑新搜出者額象重修文廟參門之記八字頗有法

奉訓大夫孟州知州李公德政之碑 孟州學正甯楫

撰 前道正口志全題額 孟州都目孫文曜校勘

知書喬道元書丹 正書 至元二十一年 存 在縣署大堂前

天地之間司馬之職朱其轡皂其蓋承其流宣其化實

孟縣志卷八 金石中

四

親民口最者壽若雲布繁若星分不勝其數矣或如還

甚或如懸魚或五榜輿謳或一錢得譽或知乳虎或如

蒼鷹或口碎金或希織蒲曰真曰僞曰能曰否殆難編

知我國家所以分置憲司羅列寰宇一有持暴勝之斧

一有登范滂之車一有如乘驄之口一有如埋輪之口

其威也足以除口乎豺狼其勢焉足以撼揺乎山嶽郡

國巡按冠蓋相望要乃察吏之真僞能否爲國之黜陟

賞罰凡牧民者莫不去其僞效其真乘其否竭其能由

此言之施德布政得其鶚薦及所去之後能使人之見

思惟我知州李公有焉公諱義字信之河間人襲父業

居縣職嚴肅寧清河皆有異政施人口石褒美至元辛

已三月中來就郡至元甲申五月初遂及瓜代一
并道判天壇陽臺宮宋志安見任道濟源奉仙萬慶宮
楊道素同耆舊前提領王用知事楊仁宏大使苗茂宮
世昌成信趙□□福等踵門而告甯楫曰李公之廉幹
社長張山等二百餘人力曾推保上憲同薦章并達臺
閣請予爲文傳其德政庶幾爲去思之情楫辭不獲已
而謂之曰公之德政可得聞乎僉曰願□□□陳之公
下車之後一載之間其平如衡能分輕重其明如鑑能
別妍醜河岸摧裂省民力補葺以堅完驛舍□□踈無官
錢而興□□備或陳罷河泊所而省稅或言開常平倉
而振貧幾度勸農男女耕耘而紡績一朝□□務商旅道

路以謳歌論庠序之興修詢閭閻之疾苦賦稅□□役而
必謹一心奉公風雨□□而弗閑兩衙聽訟囚無冤滯
事乏□□留使昏昧地土結□□偽鈔者不能□其辭使抵
諱錢債□□諸物者彼各服其罪紙行頭尅除紙價著
力追徵翎甲匠多收翎錢經心鞠問勸子隱父之惡辨
驅□□之良崇先聖而播儒之風立舊碑而彰人之德
拘刷孛蘭奚之日毫髮靡犯於羽流焚毀道藏經之時
朝暮常親於星使得不係籍者六十餘戶招能復業者
幾百千家廉讓興盜賊息犬不夜吠民不見吏此乃公
之德政也况有同僚達魯花赤欽察公賦性淳厚莅事
廉能與公無以異矣得此州主李公遺愛之美深嘉

欽察公□不矜能之□并感道俗去思之勤因爲之頌
曰

鳧鳥起兮從妙齡次清河兮首肅寧凡出入兮長戴星
驥足淹兮頭欲白異政紀兮會刻銘擁皂蓋兮控此州
疾貪汚兮如寇讎手霹靂兮斷獄囚石岸埋兮臨黃流
館物闕兮重置修三務併兮人歌謳日兩衙兮據黃堂
均賦役兮勸耕桑俾元門兮弗罹殃事無滯兮惠無疆
范車經兮飛薦章戶乃增兮盜乃息况同僚兮賢且良
使君名兮喧衆口旌旆播兮去還久思遺愛兮如杜母
何以報之惟採璧作此頌兮傳不朽

大元國至元二十一年歲次甲申閏五月日前提領王

孟縣卷八 金石中 笑

用知事楊仁宏前道判宋志安見任道正楊道素等立
石

今具同立□人開列於后 此以下刻於德政碑陰

- 羊村□□□□辛城村□□□□杜村□□
- 西田寺村□□□□吳□□□□
- 降家庄□□□□演河店孫□□□□
- 李□斌□□村劉全張□□那羅村孔□潘堅官
- 庄村王全□□張林辛□村彭□郭佑化工村王四□
- 馬□高英水運村屈信韓明□□蓋村杜全杜
- 順東□界□興里林村馬昌郭瓚常村楊□下段曲村
- 曲村張贊韓章村林德令狐村郭興張慶車村趙信□

□小仇村韓贊李忠大仇村裴興宮安上□村□彬南
城白村□□□董村□□□在城□□朱璉李志忠□
□州李□河陽縣弓手提□子海□家庄王堅張興
道峽濟源縣元都喜星宮慈□普濟真人元志一提舉
維道明太清萬壽宮提點□□大師賜紫□□□□
龍祥宮提點賜紫冲和大師王志誠濟瀆大慶宮提點
張□□奉□□□宮知宮張道□總觀□□□孫村龍
興觀綱道孫志□王屋天壇山十方大紫微宮提點賜
紫陳志忠興國大陽臺宮提點賜紫張志林靈都宮寧
真大師楊志定玉陽宮前道正悟真大師周志全知宮
孔道明翟峪長春觀□□□河陽縣嶽雲萬壽宮通真

孟縣志卷八

金石中

畢

大師前道正李志通本宮前道□馮志通本宮權道司
事包志寬里封村上清觀綱道衛異冲下孟州重陽觀
崇真大師謝志希本觀前道判趙志昌温縣于村白雲
觀通和大師前道正衛志□房村洞微觀見任道判姬
道常道正司白真葉珍□□村長春觀洞真大師解□□

右元知州李義字信之德政碑書法頗佳其碑陰載
村民道眾姓名旁及濟温等處宮觀名號可備採也

大元孟州重修州學記 前河陽縣尹改應奉翰林文

字傅夢弼記

正書

存 至元二十三年 在縣學宮東廡前

孟之爲州古也卽武王伐受師會之所後爲畿內蘇忿
生邑三卿分晉地入於魏秦爲河雍漢爲河陽皆以縣

名唐武德四年始立孟州歷五代宋金或爲節鎮戍置防禦至聖朝復立爲州以河陽溫縣濟源三縣隸焉然當南北之衝官吏習以祗持爲務辦集爲能是以治民之本尙未之聞今武畧將軍達魯花赤抄海居官樂爲善事奉訓大夫知州郝采鱗世系名家儒行有素寬仁孝弟資稟敦龐初知林州年甫弱冠而廉能遠近著聞及爲是郡縻已奉公明察而恕人以任重致遠期之承務同知州事弋惟敬以樞府掾秩滿調尙牧監丞未幾來此爲倅臨事有爲廉介有守民多獲其惠兩公下車遂究治民之本而以風化爲先撫字其次首緝素官立學校鳩廩祿創建兩廊一十間增修講堂五間氣像

孟縣志卷八

金石中

吳

藹然一新俾學正甯楫以主善率諸生羣吏朝夕講誦朔望以考其課務要作成人不惟以備國家將來選用實關風化之源可謂深知治民之本雖文風未及齊魯之盛他日振作未必不由此而舉時同簽樞密院事趙公美其爲治之善願以勅賜溫縣龐鳩村地千二百畝贍學與夫州給河灘地四百四十畝共爲學之歲糜後將仕郎判官石思仁亦能贊而助之一日學正甯楫同諸生請予以文其事予嘗居治下義有不可辭者姑錄興學之大槩云

至元二十三年冬十月十有四 孟州學正甯楫直學
王天民教諭朱璉等立石 高興程度監造 秦亨刊

按趙公瞻地事見史趙良弼值至麟乃麟字之誤耳

重修天地水三官廟記 懷孟路學正李孝純撰

孟路尅擇陰陽官管勾王德政書丹并篆額正書元二十四

年存 在縣 東五里 摘星廟

大而化之之為聖聖而不可知之之為神神也者妙萬物而為言故知夫覆萬物者莫大乎天載萬物者莫厚乎地潤萬物者莫潤乎水天地即萬物之父母水則五材之長期以成終而以成始也然則三官之號他書不載獨道經稱之其詳不可得聞蓋取無極之道一以生二二生三三生萬自是而計無不在其中矣而又上世貴質制有鳥官人官故以三為元數官為定名從省文

孟縣志卷八

金石中

完

也且天地未形之間馮馮翼翼洞洞濇濇大昭虛霏氣有漢垠清揚者薄靡而為天重濁者滯凝而為地清揚之合博易重濁之凝難竭所以天成而地定然後判而為陰陽分而為四時化而為萬物積陽之氣為火火為日積陰之氣為水水為月天運日月星辰乾健也地受水滌塵埃坤順也天傾西北地不滿東南天圓而地方圓主明方主幽明者尸外幽者職內故陽施而陰化怒而為風和而為雨感而為雷激而為霆凝而為霜雪順之則福至逆之則害生垂象示人莫知其所以然而然矣王者之興仰觀俯察法天地而育羣品効四時而生萬物德同雨露施及草木天人相通罔有悖戾風雨時

寒暑調災害不生五穀繁殖龐恩洪澤延及橫目之民
斯非王者承天地之明德生靈之所大願也三城河陽
古今號爲雄郡一舍之內土膏脈起抱城西東有崗隆
然首尾象臥龍之形盤紆弗鬱長河經於南行山在其
北肘王屋而腹媪土其壯麗若有不能形容者矣故老
遺傳晉宣王時望氣者云此地有天子之兆命役塹土
數十尺得根許大斷之是夕一星如斗殞落其下後之
人協以是吉樹爲神祠歲時香火奉答天地之休姑以
謫星目之就紀其實而廟自喪亂以來悉爲灰燼鄉之
瑤臺翠觀但荆榛瓦礫爾過者盡然邑中耆艾蓋玉瞻
視虛墟慨然有興復之志曰神依人而行幸今聚落稍

安而使祠乏祀享非所宜也乃懇捨已財勸率里閭中
巨族段謹等十餘家鳩工聚材因基插殿上棟下宇不
敢陋而亦不敢侈其廟也向背宏敞簷牙高啄丹青赫
聖各得其宜配食以商湯岱嶽府君之祠禮也兩序相
向盈縮準度謾門道示高容樹戟繪像端拱森然在前
徐闕張樂之所同邑人師宣楊存欒茂等憫其未完共
辦工費不啻千餘緡他亦稱是繼而落成止有後殿浸
舊糺首麗公重加整正中外炳燿煥然爲之一新始以
敬恭明神非直爲觀美也當其佳花茂木遠近迷漫雅
有塵外之別真神人所主之地乎時遇旱溢禱雨輒應
邦人賴之靡有菜色噫使曩昔兒童翫狎狃穴處之

域今更爲犧牲幣帛嚴趨之陸仁人之心豈徒然哉
日玉樹生庭門容駟馬未必不由此也始於國朝戊戌
終於至元庚辰之秋百工告成邑之父老鑑其陵谷變
遷觀壘次第莫可探考共思鑿石示於將來請祝於河
內士人君政王公暇日掇拾輿情而懇求不腆之文誌
其本末僕深讓弗獲益偉其誠迺濡翰書其梗暨因繫
之以辭云

盟津之壤土沃地偏龍斷周控降崇蜿蜒司馬御極雨
星自天居人勿替祀典仍緣劫灰殆盡廟貞益鮮棟宇
飛躍丹雘昭宣春秋嚴設享禮不愆潔粢豐粢滂豆大
籩神之格斯歛饗端然民亦樂只屢舞蹺蹺惟民敬神

孟縣志卷八

金石中

三

始終有焉惟神惠民降福縣縣聖朝鼎盛億萬斯年刊
諸翠琰庶同永傳

大元至元二十四年歲會丁亥清明前二日前孟州祇
應所官大使蓋玉立石

右三官廟碑誤字極多其碑陰係至元庚寅爲立碑
之後三年蓋立後方刻者俱係村民姓名不具錄云

元創修岱嶽行宮記 前懷孟路儒學教授袁致遠撰

相臺呂志宗書并題額

正書

至元二十四年

在縣西三十六里仁村

泰山

嶽有五岱其一也上古之書稱爲岱宗實爲四嶽之宗
長也謂其萬物之所從始陰陽交代而言之故曰岱宗

上自軒昊下及唐虞莫不崇祭祀之禮而祭之祭則視三公上等之牲禮所以明尊卑之等級分上下之差別古者天子巡省守土之諸侯每於是歲春仲之月至於岱宗之嶽燔柴告至又望而秩次祭其方嶽山川柴望畢遂以禮見東方諸侯故書曰望於山川徧於羣神帝降而王至於夏於商於周代代相因遵其成憲稽諸祀典而致祭焉抑嘗觀博物志有曰泰山者天帝之孫也主召人精魂漢書曰唯泰山及河歲五祀餘皆一仙經福地記曰泰山周回三千里鬼神之府也白虎通曰王者受命則必封泰山之高以報天禪梁甫之趾以報地誠以其威靈神異若此之嚴且肅也故言及之凡有天

下者必爲之精誠潔敬以薦享焉後代則不然遂乃麗其神宮嚴其廟貌以祭之以謂不如是則享祀之禮無所施誠敬之心無所達故通都大邑與夫鎮之雄者民居之盛者莫不崇建岱嶽之祠焉今茲河陽縣治西里仁村張慶等緣值壬辰兵劫後俱幸更生思有以答神之貺歲時雖具令儀終爲虛位乃倡率居民之耆舊者儕等者議之曰神之靈者莫靈於岱宗之神神乃部司潤澤注人死生水旱則虔禱有徵疾疫則祈求獲應利均寰宇福浸吾民聖利神功懔懔庶類當念神且不安人其安乎欲創建行宮歟若之何聞者悚然敬從其事一日神忤走吏縣道清攝爲急腳指示廟地自一方

之人富者輸財貧者施力斧斤者斲効其能繪畫者願
施其巧陶甃者不召而從污漫者不戒而至創始於大
朝辛丑之歲一旦落成僅得神宮壯麗廟貌嚴整三門
挾殿細構崇高庖庫兩廡增添華麗一新彩繪四起垣
墉面洪流背層峯簷鸞而脊獸梁螭而棟虹肘四川之
勢險巖三城之郡雄泉甘而土沃得四序之冲融顧夫
神之宮轟丹霄聳蒼空翼翼崇崇居天地之中神之鑒
幽隱難窮合蘊鴻濛有感則必通神之享兮盼蠻斯格
歆粢盛之禮容野見五日一甘雨十日一祥風民安而
物盛時和而歲豐生賢佐以奎集壯帝居而日隆保吾
皇聖壽兮如喬松億萬斯年兮歌天保以呼嵩由是張
乃成績而記之

孟縣志卷八

金石中

三

維大元國至元廿四年六月丁未五日甲子西仁和長
春觀解老師父門下喬志通立石

河陽李氏宅兆記 承事郎懷孟路同知孟州事兼管

本州諸軍奧魯趙穆撰 從事郎河陽縣尹兼管本縣

諸軍奧魯勸農事李肅書 正書 至元三十年 存
在縣西十六里西魏村濟清

廟內

李氏孟州河陽人也州西二十里有村曰南統祖塋俱
在仲謙李君乃其允也上世以農桑爲業湮沒其名五
世祖諱移忠字孝誠配許氏生二子長蚤卒次曰蒙字

彥明配陳氏生一子曰漕初名震雨辰其字也漁獵經
史有孝行聞□□善居其室積累巨盛配王氏生四子
曰序字子中曰□字伯鈞曰庭字直夫業進士曰庠字
進道克家廉勤生三子長曰安仁次曰安中季曰安貞
安仁□□年卒安貞配溫氏生一子曰瑋配賈氏遭
亂離散生三子思言思行思義今河間肅寧居□安□
□□鄉卽仲謙之祖也嘗三赴庭試配尹氏郭氏生四
子曰瑋曰琪曰珪曰瑄皆尹所出也瑋瑄□□□□
珪字君用卽仲謙之父□通律義金朝爲盟津縣吏值
兵亂暨兄琪僑居□□琪配馬氏生三子思齊思溫思
恩因占籍焉歲庚子擢君用爲潞州孔目官辟充三州

孟縣志卷八

金石中

五

征行千戶所知事繼爲平陽路管領漫散戶總把壬子
春以王事來鄉里拜掃松楸觀山水明秀農桑□野遂
不復返於是葺菟裘□終焉之計以至元十九年正月
十日卒□□十九配張氏□氏一子曰思敬卽仲謙
也張所出焉沉默謹厚充長□吏業嘗從事河陽今閑
居自適惟至孝□父□憂於之中樂樂之貌蓼蓼之哀
望望焉如有從而不及於三年之道不改凡自前金所
未葬者悉皆葬焉娶耿氏子男二人□□也至元壬
辰□□方秩滿仲謙价河陽李尹敬甫踵門□□曰
□□□意□□幸勿見□□之□人以來因離亂各
權定者今葬禮既具無以顯揚□□□□□□□□

○子孫知李氏之流派有自是所願也予謂仲謙曰孝
爲百行之源君□□□□□□□□□□其昭穆
禮也又以銘顯其祖考所爲崇孝也自古孝子順孫君
其□□□□予乃系之以銘曰
於惟李氏家於河陽世有隱德業以農桑曰高曰曾著
聞□□廉勤積累華萼相光篤生髦彥三舉終場詩書
易業厥裔蕃昌罹於版蕩各適一方繼之仍□孝道靡
常卜其兆域祖塋之傍附以考妣□穆思彰琢彼貞珉
刊此銘章示諸子孫永思莫忘
大元至元三十年歲次癸巳仲春吉日裔孫李思敬建
張寬刊

孟縣志卷八

金石中

墓

汝瑚按李氏宅兆記其制頗似經幢高三尺許向在
西魏村衢路人家屋角乃居人以當車馬旋轉奔突
者今并前天寶經幢正隆經幢令移入濟瀆廟內

元大德七年孟州北冶墻村民砌聖帝廟臺石記 正書存

在縣西二十五里治墻村

大元國懷孟路孟州河陽縣第六都北冶墻村居住功
德主□立□發誠心緣本村舊有聖帝廟只一所內無
臺基□立許願承頭部領本村隨神社人等興工修砌
今已完備是故壁記今將管賽村□□排列於后北冶
墻村西林泉村東冶墻村郁封村里封村白墻村東林
泉村田王村東冶墻村西冶村

歲次癸卯月建丁巳□□甲子日畢功德主□立記□
□□□□施埽匠何順

大德七年四月初二日

大德七年河陽縣那羅村民造石獅題識正書 存 在縣西北二

十里北湯 王廟前

皆大元大德七年歲次癸卯丁未河陽縣北那羅□羅
那頭□邵興孫男邵四用石錢叁拾貫□石□□□□

弼下 五六

汝瑚按此識刻禹寺鎮湯王廟門前左畔石獅之座

縣學生王望如覓得之其廟土人謂為北湯王廟云

至所稱丁未者當為月建與上大德七年治墻村民

孟縣志卷八

金石中

美

修砌石臺題識稱歲次癸卯月建丁巳者畧同存之

以備一種可耳

有殷烈祖廟碑 翰林侍講學士知制誥同修國史改

大中大夫山南江北道肅政廉訪使郝采麟撰 懷孟

路孟州河陽縣儒學教諭席雲漢篆額 前甘肅等處

行中書省椽徐彥綱書丹正書 大德八年 存 在 縣西四十里北陳村湯王廟內

古之帝王開天建極使兩儀以位羣生以育而仁風至

化雍熙盈溢豐功偉烈載在方策者義農三代而下僅

以十數至於巍狀其宮儼狀其容俾數千載之下歲時

薦享揭虔致誠愈久而愈不忘者惟成湯為然西迨河

洛北距懷衛瀘相郡邑并井星架基布而成湯之廟無

慮數千百區凡雨暘豐歉災眚疹疾靡不禱焉而神之
格思咸若有答焉者是以民奔走鼓舞醉飽歡呼殫財
割賄而不恤也朕不知成湯爲何神何勲德而祀曰湯
王云而或曰懷之西北有山曰大泚者卽古桑林地故
土俗相因事神謹甚又曰蓋以王旱乾水溢假其神靈
以禦河伯捍猛之患報德而祀又曰令宋之穀熟縣有
臺城豈密邇商畿庶恩至惠薰陶浸漬之偏而致朕耶
竊嘗思之王以天錫勇智之資檢身若不及而日新其
德終於至聖而化克配上帝建中奠極彰信兆民以至
弔民伐罪剪平殘夏殆推枯振槁用慰來蘇之望由葛
爾之商奄有四海傳之子孫逾六百祀生而與天地參

沒而與天地並則爲列星爲明神也必矣其垂祥雨祉
歆芳饗薦獨冠百代亦宜哉孟之爲州古也州西一舍
而強有村曰北陳地土平行草木豐茂又州之膏壤也
民俗敦信力田而好義卽山陽河陽而建王廟焉廟本
於金兵後趙順重修正殿六楹至元七年夏大旱民告
病耆老東耿益者陟村北神堂山瞻大泚拜禱乞水於
瓶神恤其虔瓶滿而溢乃迎歸祀事翌日而澍雨沾洽
民歡神賜爾後本村社長張榮東南陳王德野成張成
小川王安上率四社之民更主歲祀擬聖水殿神掌之
巔廣廟地爲步八百四十二年重建東西兩廡皆一
楹大德七年榮暨張口顯趙成周建樊德趙榮周與祖

等又建神門四楹每歲迎水神堂置廟奉祀旨酒芳蔬
潔牲珍饌羅列口錯民趨拜伏克嚴克敬扶老携幼謳
歌踴躍以遂豐享之樂實太平之盛事也明年夏六月
予自翰林廉訪荆南適至河陽社民梁滋耿德感神之
貺將刊石詔後以著神休偕榮等請爲記予州人也其
敢以鄙陋辭昔夏以禹爲皇祖殷以湯爲烈祖今廟而
祀之猶曰湯王非制也宜更曰有殷烈祖仍作頌俾主
祀者歲時歌之以燕神云頌曰

元鳥誕瑞篤祐於商儲休滄慶成湯以王懋昭大德邦
乃其昌簡在上帝降之百祥有夏昏虐帝用不臧拯民
水火聖武惟揚東征西怨時雨後望后來其蘇輯寧萬

孟縣志卷八

金石中

美

方勳侔五帝道繼三皇廟食百代曰商不□惟此河陽
作廟翼翼懷於有仁聿虔聿惕河水洋洋安流順適黍
稷芸芸堆原被隰雨暘時若災厲靡及佑我遺黎繫神
之力牲酒脂馨菓蔬粢潔伐鼓奏樂旣和旣釋神樂而
康盼蠻洋溢民樂而熙鼓舞拜觀億萬斯年報神罔極
嗚呼是惟成湯之德

大元大德八年歲次甲辰秋九月下□□一日北陳梁
滋耿德等立 玉川石匠提控張義長男張天祐□

右有殷烈祖廟碑郝文忠之子承麟撰者在北陳村
其廟號畧與中統元年郝文忠所撰者同蓋亦本於
文忠改湯王廟爲殷烈祖廟之說而遵稱之然實兩

廟非一廟也蓋文忠所撰者其廟地雖已無考然篇內云廟前有水曰溟乃晉溟梁水也盡在賜田內云云而北陳之廟其去溟水且四十餘里則非此廟明矣且文忠謂廟在賜田之中而此文迺絕不及賜田尤知非此廟也然此文雖不言賜田而所稱予州人者則其意正以其家有賜田於茲而後爲此言且是文言至元七年大旱得雨而明年自翰林廉訪荆南因作此文云云考其時文忠尙在蓋爲宋人拘留眞州而其子已自言予州人也云云則文忠之家之徙於孟州者固可意知而文忠父子所作二碑尤爲互相發明矣特其文雖作於至元八年辛未而立石則

孟縣志卷八

金石中

五

在於大德八年甲辰故今據其立石之年月而編次於此爾夫唯是碑立於作文之後三十餘年卽文忠之子亦未必親見其書石以故篇中別體之字特多如悍誤捍商誤商之類不可枚舉而舊志遂從而刪之補之改之則皆可以不必茲但照其原文錄入而已至此碑額已佚而碑陰亦但列村民姓名故不具錄云

按碑云大浙山者在陽城縣西八十里余曾往遊卽禹貢析城山也諸峯四合如城上有湯王廟前有泉禱雨者乞水於此別有小析山故曰大析云今作浙非

又碑稱今宋之穀熟縣有三城豈密邇商畿云云按書稱三臺一曰北臺湯一地在今考城一曰南臺湯始都地在今商邱一曰西臺湯遷都地在今他山碑謂穀熟有臺城者蓋高之南臺太平寰宇記宋州穀熟縣云古穀地殷謂之南臺是也但據此則穀熟之臺去孟甚遠不應近舍偃師之臺而遠引穀熟耳

元大德九年念定寺鐘題識

正書 存 在縣城西南隅藥師寺

右鐘高尺許徑尺鐘半爲方者四其第一方云皇帝萬歲臣宰千秋國泰民安法輪常轉其第二方惟大元國懷孟路上孟州在城念定寺住持僧侯淨李智聚五代祖師郭惠通親教口國鑑大前孟其

孟縣志卷八

金石中

卒

第三方云州僧正楊德宗功德主郭正選楊彥廣喬副使侯巨元施種子僧前孟州僧正同知伊口趙了喜其第四方云大德玖年正月日置金火匠人劉三遣云云按念定寺之名今亦無知者而此鐘現在之藥師寺在縣城內西南隅舊志云金大定四年建明永樂年重修者是則藥師寺乃在念定寺之前不知念定寺在何處而鐘自其寺移入此寺也

有商烈祖聖帝廟碑 保直大夫河南江北等處官醫提舉杜天智撰 武畧將軍前鄧州知州兼署本州諸軍輿魯勸農事師福亨書丹 資總大夫中書省右丞議樞密院事調諸口屯田勾當陳天祥篆額正書 大元年

存 在縣西北二十里
高 端岡上湯王廟內

德之聖者流無窮功之懋者垂無極非能有以立天下之大經舉天下之大法彌天下之大患布天下之大政運之以蕩蕩平平之道敷之於生生化化之民使陶雍熙之和躋仁壽之域可以參天地之化立帝王之儀則者其孰能以語於此哉自開闢已來統天御極之君垂世立教之主可指屈而未易枚舉此聖人之難也其至於此乎然而自曠代而下位列聖之次德冠百王道□□古勛烈超越于百世之上聲名洋溢乎萬世之下使民瞻之如臨仰之如在叩卽應感卽通奉千祀而不能慊於民之誠者惟其成湯乎然何功德而至於此哉非

孟縣志卷八

金石中

空

昔王之征昆吾放夏桀□□虐之□拯焚溺之禍蘇四海之望故能排天下之大難敘彝倫立綱紀秉維皇之降衷覺丞民之恒性故能運天下之大道釋三面之網布廣裕之澤使視聽之類咸樂其生故能施天下之□仁承殘武之餘烈乘泰和之至氣爲沴爲孽以厲斯民乃省躬責已禱之桑林精誠格天甘雨四洽使庶類以成民命以濟故能通天下之至誠遠聲色□貨利改過不吝檢身不及懋日新之盛德彰天下之大信故十征而無敵傳六百祀而弗替故能稱天下之大聖於戲惟王之德合乎天地參乎元氣昭爲列星宜其神之若造化之類萬物而不見其跡若鬼神之應萬變而莫識

其形昭如日月之著明信如四時之不惑凡雨暘寒燠之爲變□□爲亂之爲患螟螣蠹蛾之爲害百穀草木之爲饑惟神皆能有以盪滌而消殄之誠能操盂酒隻蹄禱之於祠下者然神皆能有以血其誠而答其口者宜乎民之敬之非雷霆而畏非雪霜而肅罄精誠竭財賄建巍巍之宮奉穆穆之容肅惕恐懼奔走拜伏不知其所以然而然者誠非宜乎孟之爲州古也左彰徧右峭澗太行控其北大河經其南實爲靈偉之地遠西一舍之餘其山之陽曰紫金俯視黃流平挹嵩少又此州之雄觀也蓋古建湯王廟於此焉昔羅兵燼殘賊幾息惟廟獨存我聖元奄有天下居民稍集覩棟宇之摧毀

丹青之剝落基址遺礫蓬蒿没人於是翦菅□誅荆棘鳩工□材並手偕作不越數歲頽敝旣易而奐然鼎新矣相舊狹隘因而廣之乃立正殿三楹以奉祀事建太尉廟以祓不祥爲子孫司以保民新創夾室以會衆靈構庭除以布舞列塗墍丹雘輝耀金碧內列廊廡外冠三門凡墻垣樹列罔不畢舉元貞改元之始年夏旣大旱衆方有禱於祠不已而大雨至曰王之威靈在天感而遂通者慮矣及先人創建功勤不爲細矣欲勤諸石以詔之來者不亦可乎衆維曰然非敦厚周慎爲衆所信以首其事則不可故邑之車村李誠□珪筆其實勤不遠百里而來告文於予噫王之功德載在方策者可

謗言哉况才驚跡拙年已荒耄何以敢當衆曰不然非
列諸石無以彰神之德匪紀於文何以徵前人之功予
辭至懇衆請以堅予樂其鄉人之好事嘉其成功故言
而爲之文因廣其意而爲之銘曰

有商烈祖粵彼成湯天錫勇智表正萬邦上帝降衷大
甲至正克綏厥猷以復恆性懋昭大德建極於民肇修
紀攸敘鑿倫以禮制心以義制事惟德日新聰明聖
懿祝網去三以噫盡張澤及鳥獸仁被遐荒有夏曰桀
以尸民上政行暴虐曰予曷喪民胥怨咨欲與俱亡毒
痛四海人百其殃王怒赫然躬行天罰誅君弔民祛氣
蕩孛兵以仁義不戰而戡神武不殺惟德尚慚越德

孟縣志卷八

金石中

奎

珍尙遺餘烈以梗天和爲珍爲孽於戲哲王以身代
責已六事澤被八紘近親其善遠慕其德不殖貨利不
邇聲色聖謨洋洋嘉言孔彰灑灑載紀未易窺詳神靈
在天萬世如見如臨其上肅愴恐口古有靈跡踞山之
陽經以天塹控乎太行昔罹兵凶靡有遺孑僅存巖條
口宇摧折聖元造極龍飛御天明王聖帝咸禮祀焉祀
有常典敢踰所定然神無方叩之即應神之惠我百穀
是穰神之佑我富壽而康聖德廣溥如天莫報欲廣其
宮以祈以禱有鄉之人惟善口口不言而喻不慮而同
工善材良晨夜展力口斃旣布丹墀以飾輔以夾室以
會衆靈門廡有位舞列有庭以經以營不期而畢越惟

明年祀且有日牲餼既潔粢盛既馨神無常享克享厥誠神之格思不可度數神之去兮不違咫尺聖功昭顯可紀可鐫刻之翠琰於萬斯年

皆大元國至大元年歲在戊申冬十二月吉日維□□車村李誠□□□□□□□□□□等立石 河內石匠皇甫良刊

右有商烈祖聖帝廟碑至大元年立者廟在縣西北高端岡上爲一邑之望其稱有商烈祖聖帝者蓋亦沿郝文忠父子二碑之稱而然者之其碑陰多載村民姓名茲不具錄然所載村名其村尙有至今存者蓋數百年而不改亦可尙也

孟縣志卷八

金石中

商

大元故鎮國上將軍浙西道吳江長橋都元帥沿海上萬戶甯公神道碑銘 翰林學士承旨正奉大夫知制誥兼修國史閣復撰 榮祿大夫平章政事議樞密院

事史彌書

正書 至大二年 存 在縣西十里紫金山後

天水氏靖康南驚杭衡中國餘二百年所恃者長江而已天昇聖元混壹南北篤生虎臣在中華之強通舟楫之利贊成飛渡之功故長橋都元帥甯公其人也公諱玉孟州河陽人曾祖諱淵金盟津渡都巡檢祖諱源敦武校尉河陽屯田提舉司副使考諱泉懷孟勸農副使慈祥愷悌與物無忤鄉里稱善人妣韓氏生公體貌魁梧膂力絕人兒時聚嬉好作戰陣狀垂十七以鼓柶之

勇爲水軍萬戶張侯所知署盟津渡長鄂渚之役大軍駐南陽遣公督漕宿亳軍食以濟明季從世祖皇帝渡江以勞補百夫長中統初定鼎於燕召公充河道官疏浚玉泉河渠至元三年有事襄樊被帥府檄導鄧之七里河由新野而南以通轉漕圍守襄陽立萬山屯堡攝□□府事兼主浮梁津渡教習水戰旣□淮安忠武王統大軍而南公以千人導前至白河結浮橋濟師遂拔沙陽十一年冬師次臨江分道以進與宋人合戰中江公將勇士千人以輕舸五十艘徑奪南岸力戰却敵指揮戰艦分渡諸軍凡三晝夜而畢自壽□□黃池口所過浮梁立就兵無留行至彭蠡湖風濤洶湧梁成輒壞

者數四公言梁之不成力不至也躬督士卒取瀕江場圃巨石爲碇忠武立馬以需其成進及丁家洲宋將夏貴賈似道舳艫蔽江忠武命公列樹四砲擊其中堅舟多覆溺宋兵大潰威乘破竹下蕪湖取姑熟入建鄴幕府上功明年三月拜管軍千戶佩金符建鄴內外橋梁戰艦悉主之又督造巨艦可勝百萬者艦成分二十艘付公守龍灣落蔽東寇七月真州守將夜來斫營公潛以巨艦出其後來擊之殺溺殆盡從拔常州取平江平江之南曰太湖跨越數州自吳江屬嘉興舊有長橋貫南北要衝忠武命公完葺腐敗鎮守須其人特以□公時江南甫下反側者衆且具區瀕海羣盜淵藪公密斷

諸港汊置輕舸數十上下巡邏以察非常每有竊發隨折其萌華亭澱山諸賊聞皆解散殲其渠魁陶後察曹橫天等八人餘黨不可勝紀又降鹽寇四百餘人妻孥起屋百楹以居戍兵置安樂堂三區以養病卒招集流民四萬五千有畸俾安生業闔境爲之宴然公前後七拜璽書之命由金符管軍千戶遷宣武將軍管軍總管明威將軍鎮守長橋等處總管尋降虎符職任仍舊陞昭勇大將軍管軍萬戶未幾就帶已降虎符鎮國上將軍浙西道吳江長橋都元帥口沿海上海戶佩金虎符二十三年公以久事戎行起居蒸濕積勞成病謝事家居俄奉宸旨從鎮南王征交趾公力疾以行師至安南

孟縣志卷八

金石中

矣

公當前隊闢山治道樹立營柵率身先之凌冒炎瘴痼疾增劇王憫其忠勤表公長子居仁襲職公逸老吳江私第晚節徜徉以自娛樂二子俱登顯仕伏臘奉歡朱紫侍側時人榮之素喜賓客不吝施與寓吳會幾三十年賓禮儒士崇飾縣學營建梵宇威惠洽於一方春秋六十有七考終於所居之正寢實大德六年三月十日也夫人王氏楊氏皆先公卒夫人蕭氏後公五月卒子男五人長卽居仁初受明威將軍沿海上海戶佩金虎符出征瓜哇陞昭勇大將軍改佩三珠虎符左軍上海戶凱旋策勲世祖皇帝賜資優渥成宗皇帝登極加昭毅大將軍沿海上海戶鎮守浙東道慶元等路今上卽

位至大元年七月欽受宣命就帶已降虎符陞鎮國上將軍廣東道宣慰使都元帥娶中書左丞許文正公孫女湖州路總管可臣之女也次居正從公征交趾累功擢忠翊校尉杭州路管領海船千戶還備宿衛服勞一紀加奉議大夫樞密院斷事官大德十一年受朝列大夫簽行宣政院事娶鄉先生商文昂之女次居贊娶前建康路獨吉總管之女次元貞從釋氏法次萬奴庶出也女三人長適宋氏次適池州建德縣尹寇居敬次在室男孫九人曰顯祖見膺宣命襲父職也娶宋故相史公之孫女曰聖童娶鄭參政之女曰斗童娶元縣翼王萬戶之女曰保童佛保家奴佛童百家奴拾得女孫四人孫男一人光祖嗚呼公自弱齡拔起行陣奔走先後萬萬勿不測之淵以取封侯視古名將龍驤伏波未足讓讓以至賞延於世增光祖考貽慶方來豈偶然哉公後後四年昭毅君居仁舉公之柩與三夫人合葬河陽先塋之次狀以請銘神路之碑予往年客吳郡公歲時遺問又賞肩輿相過傾蓋如平生問年同丙申也感念疇昔義不可辭乃爲敘而銘之

皇天五葉四海混同一筆長江忠武御戎爲王前驅糾糾甯公公起偏禪志畧沈雄轉漕河渠習戰艦艦造舟爲梁畢命前鋒奪岸濟師合戰江中斬黃旣下彭蠡阻風碇石浮艘步騎以通四砲丁洲實樹儻功何堅弗摧

何銳克攻惟是震澤沃日涵空爰有長橋隱若垂虹喉
衿南北襟帶西東具區瀕海盜肆姦兇公鎮四方豪冠
潛蹤通驛傳乃扼兵衝入濼田里家樂耕農公私絡
繹憧憧醫藥有堂校學有宮二紀安集良物享豐
敵愾交嬰鏢是翁鳶飛墮瘴柱立標桐逸老吳江有
子剛封曼秀孫支哀榮始終河陽之阡勒堅樹崇洪濤
如帶流慶無窮

至大二年二月二十四日孝男甯居仁立石

右元甯公神道碑額題云鎮國上將軍浙西道吳江
長橋鄱元帥沿海上海戶甯公神道碑五行行五字
篆書此文正書高七尺五寸并碑額龜趺高可丈餘

孟縣志卷八

金石中

突

廣三尺二寸考甯玉元史無傳而伯顏傳內有及一
者亦有有其事而不著其名者按伯顏傳稱伯顏攻
陽邏堡使阿朮以鐵騎三千直趨上流渡江襲南岸
阿朮遂率萬戶晏徹兒等西上四十里對青山磯而
泊是夜雪大作阿朮指示諸將徑趨南岸載馬後隨
其萬戶史格一軍徑渡爲宋都統程鵬飛所却阿朮
橫身盪決血戰中流鵬飛被七創敗走遂攀南岸步
鬪開而復合者數四南軍阻水不得相薄遂起浮橋
成列而渡舳艫相銜直抵夏貴貴引麾下先遁諸軍
乘之殺溺不可數計迨至鄂州東門而還夏貴僅以
身免云云卽碑所云師次臨江與宋人合戰中江公

將勇士千人以輕舸五十艘徑奪南岸力戰却敵指揮戰艦分渡諸軍及所過浮梁立就又銘詞中所謂造舟爲梁畢命前鋒奪岸濟師合戰江中者是也蓋伯顏平江南以飛渡之功爲第一當時甯實有勞焉而史多缺畧遂不備著其名耳又伯顏傳云至湖口遣千戶甯玉繫浮橋以渡風迅水駛橋不能成乃禱於大孤山神有頃風息橋成而碑云至彭蠡湖風濤洶湧梁成輒壞者數四公言梁之不成力不至也躬督士卒取瀕江場圃巨石爲碇忠武立馬以需其成蓋與史傳同異互見又伯顏傳云次丁家洲賈似道督軍馬十三萬號百萬與孫虎臣夏貴等合勢拒戰

伯顏命左右翼萬戶率騎兵夾江而進砲聲震天宋軍陣動夏貴先遁似道皇遽鳴金衆遂大潰云云卽碑所言進及丁家洲宋將夏貴賈似道舳艫蔽江忠武命公列樹四砲擊其中堅舟多覆溺宋兵大潰者是也但史亦畧其名耳又伯顏傳云軍次平江遣甯玉修吳江長橋不旬日而成又云發平江別遣甯玉守長橋卽碑所云從拔常州取平江忠武命公完葺長橋以下事也然碑敘殲陶機察曹橫天等諸盜及招集撫禦之功視史特爲詳矣又考元史阿木傳與忙兀台傳史格傳言飛渡之功與伯顏傳畧同而皆不及甯玉然此碑乃閻復所作復本傳稱復有才學

少爲元好問所知中間奉旨撰桑哥碑後坐免官而此其晚年所撰固當不誤且元史史弼傳稱至大孤山風大作伯顏命弼禱於大孤山神風立止云云是頗歸功於弼載考弼亦元名將後封鄂國公而茲碑稱弼所書碑中橋成歸功於甯使碑爲曲筆則史弼或未必從而書之卽此亦似當以碑爲正耳碑字亦端謹然誤筆頗多如驚誤鶩抗誤杭賞肩輿相過之賞乃嘗字之誤皇天五葉之天乃元字之誤柱立標桐之標桐二字乃標銅二字之誤孫支之支乃枝字之誤將弼武勇絕人而於字義不甚能辨耶抑別有代其書者而亦不留意耶姑并識之如右至此碑陰

別有碑額正書甯氏世系之圖六字當正中書云曾祖源敦武校尉河陽屯田提舉祖泉懷孟勸農副使考玉鎮國上將軍都元帥己身居仁鎮國上將軍廣東道宣慰使都元帥下云長顯祖次聖童次斗童次保童次佛保次衆家奴次百家奴云云按顯祖以下蓋皆居仁之子至居仁右方書云弟居正朝列大夫僉行宣政院事下云長佛童次□□拾得按佛童以下皆居正之子至居正右方復書云弟居贊奉政大夫□院□□又居贊右方書云弟元真而元真之下則不載官職蓋卽碑文中所云從釋氏法者大抵碑陰皆卽居仁所記云

重修增福院記 玉川末釋智明撰 古溫野衲善潤

書并題額 正書 至大三年 存

在縣城內增福寺

原夫福地興隆必假大人成就法輪一轉能令四眾歸
依况燈七相傳明七無盡增福院者第一代開山住持
乃遇公山主也初建佛殿法堂祠宇僧房厨舍聖像功
德什物悉備次至聰公興公之輩八人相襲住持俱有
勲跡逮至講主敬公俗姓韓氏河陽件界保人也法諱
法敬天姿明慤賦性柔和幼禮本院福公為師至所立
之年適汴梁完公大講師法席下檢閱經律論文無不
該覽後嗣為唯識論主歸來本院承繼住持舊者保守
而無纖毫之廢新者增添以膺十倍之餘至於巨細事

孟縣志卷八

金石中

寺

務皆存於心至不惑之年不幸告卒葬於城西之墅有
當代住持廣勅惟恐歲久師資懸遠迷宗失派本院地
鄰四至埋沒無以明證命予述記今開歷代師資名諱
同本院院地四至条段具列於后

增福院院地東至城東南至侯招撫正西西南至官街
正北西北二至韓子敬喬副使東北至官街不係增福
院常住胡廣勅衣鉢正覺院東至許德庸南至官街西
至韓知官侯正卿丁提控張口前北至王獸醫東北至
師官人孟州僧副慶順提控法淨知書了達

大元至大三年秋七月日住持口廣勅立不 孟州
魯花赤脫不花達魯花赤怯來知州劉潤知州何榮同

知怯烈同知八都兒州判韓樂吏自劉源河陽達魯花赤完不班達魯花赤也送女兒縣尹和元諒主簿徐迪縣尉李良典史張汝楫

右重修增福院記額與文皆正書其增福院院地一段之前本有其所謂歷代師資名諱圖一段畧云祖師顯公度到三人定公通公靠公而通公又度到二人遇公明公其遇公明公又度到者頗多不具錄靠公度到一人聚公至定公則無所度姑列其概如此外碑陰前云儒學齋長陳克敬書餘俱僧名故不具錄

剏修后土廟記 泃水東馬承天撰 衛輝路口差虛

孟縣志卷八

金石中

三

大使李九功書丹題額

正書

至治元年

存

在

竊以粵穹窿之中持載庶類資生萬彙者惟土之功最

大焉至於江河淮海原隰崑崙巨細無不付之金

玉穀帛稼穡芝蘭昆虫花卉皆所生矣雖九州之大萬

國之衆王侯之尊容之而不以為重也以之遐裔卉服

鳥語之邦莫之敢輕者况中原禮義之所出衣冠之所

盛敢不敬乎乃神其名曰后土故博厚所以載物絳漢

所以遂民蓋公朝之俸秘室之給皆仰而足矣易曰坤

厚載物含宏光大品物流形正謂此爾雖祥麟靈鳳書

遊夜棲亦未始離乎此也故唐虞讚其德夏商崇其名

書曰惟天地萬物父母於是考之歷代傳記凡有國之

君咸饗焉今舉其一二而誌之周武王證紂之惡稱曰
皇天后土又從而欽修祀事豈建之非淑名也蓋取其
故而已漢書禮志曰后土富媪以土稱后母道也固
守專靜之德而能生育庶類者云爾唐時太宗過汾陰
示以燔盛牲幣致祭祠以及國朝中統建元時詔增典
秩巖加禮敬奠以金符玉冊牲牢醴幣竭精誠而備庶
物曠前古饗之者莫之能過也乃極其聖慮而包讚之
遂使普率之民守土之官亦以擇時敬祭今古孟北右
里曰永泰里人畢淵與其鄉賢士大夫鳩材命匠就里
中嶽瀆行宮頗西構其廟兒瓦礫輝煌金碧燦然可
刻桶完塑其像亦以里中耆德從而香火之其

孟縣志卷八

金石中

七

等請於父曰父之心不爲不誠不爲不敬自擬意於大
德七年春落成於九年六月暫無懈怠其誠敬亦至矣
哉非好名也乃出於自然焉又賴里中碩德允濟其工
贊成善事可以立石焉庶乎敬口祠之心可以不泯矣
鄉中賢士大夫之德光顯矣其父曰諾成吾志者二子
也遂采北山之石雇鑿珉之匠而鐫其銘以紀其事因
其友□子齊輩命予作記予辭曰不敢當才性鄙薄學
識褊淺汝輩曷不購於名人之手乎彼應之曰其亦常
人爾豈敢煩名人哉讓之再三遂不獲已按持來案寫
以記之辭曰

惟神之休惟天是尙其德配天其功無量動植之命

出其上根蓂芽甲遂所茂暢私用公帑亦從而...
雖重所趨所向允也畢氏秉心不妄實精...
亮雲集其材鳩工命匠瓦礫齊興屬斯民望...
簷牙相傍廟兒巍然於斯始剏繪其椽楹供其...
乃依斯民答靈貺歲時致祭灌以鬱鬯包讚神休...
免疆敬此神明是崇是養鑄鏡琬琰誌其不忘...
功茲爲表倡神哉神哉惠民無曠

吏目馬彥良司吏郭彬栗思誠王孝廉桑貞曹瑞張大
里承事郎懷慶路孟州判官胡德淵奉訓大夫懷慶路
同知孟州事王彙奉議大夫懷慶路孟州知州兼管本
州諸軍奧魯勸農事胡訥

孟縣志卷八 金石中

至治元年七月日立石 畢淵男畢毅次男畢善

慶路石匠作頭皇甫良弼刊石匠王聚史信
碑陰之記

河陽縣進義副尉懷慶路河陽縣達魯花赤兼管本
諸軍奧魯勸農事虎都魯彌實承事郎懷慶路河陽
縣尹兼管本縣諸軍奧魯勸農事劉口懷慶路河陽縣
尉梁琦典史王德溫司吏吳口誠李鐸程克口妻口口
耆老人等本村畢貴畢仁畢敬劉國用張烈孔口盧海
李全劉德孫成王信崔恩于榮祖王德侯志壽三錢全
嚴老魏成張威彥李聚李成張成王成李恩壽貴李珉
張秀張口劉恩劉安劉信劉彥劉思義張玉費德口成

□□高城遠端公張□介聚賢政士良李德王○
德李聚王慶兪聚孫福孟州學成舉慶舉○
義興李聖文建楊和韓章○
百三○○沈恩遂村席滿○○孫榮師老壽○○
仲德○○韓宋○○乘席恩王正師三○○
教諭馬秀才○○李溫郭材國懷慶路常從道○○
路解州○○縣○○峪巡檢王天錫承務郎江防路監揚
○○丑畢○○敦武校尉淮安路○○揚○○○○
各同知孟州專管○城前孟州夾谷路管領孟州○○
○○○○○湖婁村武義將軍王平石

右碑額題云皇天后土廟碑六字而首行乃云

孟州志卷八

金石

碑

后土廟碑與額皆正書其文不足論其書尚不
草草而刻劃亦稍可觀又碑陰載河陽縣蓬魯花
諸人皆可補遺志之闕更惜其中姓名亦半



